


R



Z 8455

Yr 9661 R



**Historia von  
Gulanna in Tragedien  
weise gestellet / zu vbung der  
Jugent / zu Bartfeld  
in Vngern.**

Durch  
Leonart Stockel / zu Bartfeld  
Schulmeister.

Gedruckt zu Wittemberg durch  
Hans Lufft.

1559.

Susanne tentant eascum uiolare pudorem,  
Bini cum magna sedulitate senes.  
Virgineum retinet tamen iniuiolata pudorem,  
Nec prece, nec duris flectitur ipsa minis,  
Et Deus ipse sui, lapidandam, uoce Prophetæ  
Liberat, a fororum prodit et arte dolos.  
In tantis nunc est ecclesia mæsta periclis,  
Hanc duo sollicitant commaculare senes.  
Impius hic Papa est, est latro Thurcicus alter.  
Heu mibi qua miseram calliditate petunt?  
Sed Deus hanc patrio defendens semper amore,  
Fulmineo turpes destruet ense senes.  
Hec tib Stokhelij nativo Musa decore,  
Dicet, et in lucem, lector amice, dabit.

G. Pürkircher.

Ex  
Biblioth. Regia  
Berolinensi.

## Dem Namhaff-

tigen / Erbarn vnd weisen Herrn Joa-  
hans Mornberger / Ratherrn zu  
Bresla meinem hochuerhalstenen  
Herrn vnd freund.



Ottes gnad vnd meine  
ganz willige dienst beuor.  
Da meine jugent / Nam-  
hafftiger / Erbarer vnd wei-  
ßer / hochuerhalster herre vnd  
freind / je zu jrer vbung fur-  
genomen hette / auff dis jar die geschicht von  
Susanna zu handeln / vnd mir etlicher Scri-  
benten Composition furbracht / hab ich zwar  
einen jeden gern bey seiner würden bleiben las-  
sen / wie denn billich / vnd mir in sonderheit wol  
gebüret / jedoch mich auch selbs oben vnd ver-  
suchen wollen / wiewol ich sonst nicht allein  
mit vielen geschefften / sondern auch mit einer  
schweren frantheit beschwert war / vnd also  
gemelte geschicht von Susanna auffs neue  
gestaltet / der meinung / das solch werck allein  
bey seiner Werckstat bliebe / Denn andere  
A ij Schule

### Vorrede.

Schulen dürffen meiner hülffe / Gott lob  
nicht sonderlich in Deudscher nation / welcher  
nichts mangelt an allerley Scribenten. Was  
aber ich im willen nie gehabt / das haben sich  
andere unterstanden / vnd mit mir so fern ge-  
handelt / das ich es nicht wehren wolt / solche  
Schrift durch den druck weiter zu bringen.  
Solchem frem willen hab ich endlich desse lie-  
ber nachgeben / das ich gewis bin / es werde  
solch werck / wo nicht viel gutsch / doch auch kei-  
ne Ketzerey oder sonst etwas böses bringen.  
Hab aber solche Schrifft furnemlich ewer  
Erbar weishit zuschreiben wollen / als meinem  
sonderlichen Herrn vnd freund / weil ich beide  
von ewer E. W. vnd der Erbarn vnd tu-  
gent samen frauwen Anna / des Herrn Niclas  
Rudgers / des eltern / seliger / nachgelassenen  
witfrauwen / ewer E. W. geliebten Schwester /  
viel gutsch empfangen / auf das ich mein danck-  
bars gemüt / nicht nach meinem willen / son-  
dern nach meinem geringen vermügen / gegen  
euch erzeigte / ganz freundlich bittend / ewer  
E. W. wolle diese geringe anzeigung meiner  
danckbarkeit nicht verachten / sondern in gut-  
willigkeit annemen / wie ich mich genüglich zu  
ewer

### Vorrede.

ewer E. W. versehe. Der allmechtig gü-  
tig Gott vnd Vater unsers Heilands Ihesu  
Christi / wolle euch vnd die ewren in scie-  
nen gnaden erhalten. Datum  
zu Bardfeld 7. Februari

1559.

E. W.

Leonart Stöckel  
zu Bardfeld Schulmeister.

A iii Die

ausgedruckt

# Die Personen

Prologus.

Argumentum.

Sedechias

Achab

Susanna

Anna

Sara

Dirmen.

Joachim

Hechias

Richter

4. Rats herrn

Stecken knecht

Hencker

Daniel

Beniamin Susanna sönlin

Rachel Susanya töchterlin

Procurator

Stadtschreiber

Sacerdos

Epilogus

Prologus

Prologus.

Wir solten uns billich im Lateint/  
Weil wir derselbe sprach Jünger sein.

Uben mehr den in deudscher sprach/

Und uns im reden richten darnach.

Zu brauchen gleiche form vnd kunst/

Denn wo sol man solchs lernen sonstse.

Das vnser rede ein rechte gestalt/

Habe vnd etwa eine gewalt.

Aus zurichten bey Leuten was/

Das man sich überreden las.

Denn aus den Büchern gelerter Leut/

Die zu der Griechen vnd Römer zeit.

Gewesen sind vnd grossen vleis

Gewendet han vernünftiger weis.

Alle ding zu geben an tag/

Das man sie wol verstecken mag.

Wir müssen uns aber nach der zeit

Richten in welcher wenig Leut.

Lateinischer zungen kündig sein/

Darumb wir nu viel jar allein.

In gemeiner sprach uns hören lan/

Damit man uns verstehen kan.

Denn wie ein Prediger zuhörer hat/

So mus er reden vnd nach der Stat

Sich richten so er was bawen wil/

Und mit der Ler ausrichten viel.

21. iii

Dis.

Dis vnser thun sich gleich so helt/  
Welches darumb ist angestelt.  
Das wir den/ so vns zuhören/  
So viel an vns ist/ wolten gern.  
Vrsach geben/das sie sich der Ler/  
Möchten erinnern desto mehr.  
Wie denn wird zeigen diese geschicht/  
So von Susanna ist geticht.  
Denn es wird geben der ler viel/  
Wer nur acht drauff haben wil.  
Das wir die zeit vergebens nicht/  
Zubringen mit solchem schönen geticht.  
Was aber dauon die Summa sey/  
Wird sagen/ der nach mir kommt herbey.

### Argumentum.

**S**war ein Man der hies Joakim/  
Gen Babel mit gesuret hin.  
**D**a Gott die Jüden straffen thet/  
Vnd sie dem feind übergeben het.  
Ein fromer/ reicher vnd weiser Man/  
Zu ihm sich hielte jederman.  
Vnd alle Jüden in gemein/  
In allen sachen gros vnd klein.  
Sein weib Susanna war tugentreich/  
Unter allen frauwen war jr kein gleich.

Des

Des Helchie tochter/der sie mit vleis  
Erzogen hat/nach der Jüden weis.  
Zween Eltesten theten nach jr er ehe  
Trachten/ vnd da jn jr beger  
Geseilet hat/ erdachten sie bald/  
Ein lügen mit einer schönen gestalt.  
Als wer sie im ehebruch begriffen/  
Auff ein eid sie sich berieffen.  
Das arme Weib verurteilet ward  
Zum tode/ vnd der Marter hart.  
Gott aber schickt den Daniel/  
Mit seinem ernsten Götlichem befehl.  
Der machte frey das vnschuldig blut/  
Vnd bracht die schuld mit tapffern mut.  
Auff die fleger/vnd wendet das blat/  
Das die straff sie selbs getroffen hat.  
Vnd das falsche urteil bracht zu recht/  
Den Richtern gemacht jr sache schlecht.

### Actus I. Scena I.

#### Sedechias.

**I**cht weis ich wie mir geschehen ist/  
**D**es gleichen ich vor dieser frist.  
**M**ein lebtag nie empfunden hab/  
Auch da ich noch ein Junger Knab  
Gewesen bin/fult ich das nicht/

A v

Was

Was mich zu diesem mal ansiche.  
Auff meine alte grawe tag/  
Nicht grug ich mich des wundern mag.  
Für grosser brunst ich weis nicht wohin/  
Gefangen ist mein herz vnd sinn.  
Darzu thart ichs nicht offenbaren/  
Was da gewirt mir alten Narren.  
Pfuy dich/ pfuy dich du alter lap/  
Das du anzeuchst die narren kap.  
Wen sehe ich aber dort her gehen/  
Wer mein Gesel/ so blieb ich stehen.  
Er ist es auch/ glück zu mein Freund/

Actus primi. Scena II.

Achab. Sedechias.

**A**ch bin ja freilich nicht dein Feind.  
Und wünsch dir von herzen mein/  
Das dirs wolgehe die lebtag dein.  
Du wolst mirs aber verargen nicht/  
Mirch dünkt das dich was gros ansicht.  
Denn ich sahe dir von ferne zu/  
Gar selkam geberde triebestu.  
Daraus ich wol abnemen kan/  
Es liegt dir etwas grosses an.

Sedechias.

Ach

Ach nicht hab solche gedanken von mir/  
Und wenns gleich wer Was geb es dir  
zu schaffen/ was ich fur grillen het/  
Wer isto/ dems nicht zu zeiten so geth/  
Das er der gedanken wird so vol/  
Das er nicht weis was er thun sol.

Achab.

Doch soltu mirs verhalten nicht/  
Was dich auff dis mal so hart ansicht.  
Vielleicht kan ich was raten darzu/  
Damit sich dein herz stelle zu rhu.  
Ein Mensch/ wenn er in sorgen stecke/  
Zut nicht wol dran/ wenn ers verdeckt.  
Denn niemand selbs jm raten kan/  
Wo er nicht hat ein trewen Man.  
Dem er sein kümmernis offenbart/  
Und von jm guten rat gewart.  
Drumb sag mir / was dich ansicht/

Sedechias.

Was dich nicht bren/ das lesche nicht.

Achab.

Wolan/ ich hab es gut gemeint/  
Und het gethan/ wie einem Freund  
Gebürt

Geburt (welcher doch wenig seind)  
Dich nicht gelassen in der not/  
Nu wil ich dich befehlen Gott  
Vnd wider hingehn meine Stras/  
Schaw lieber freund/ bedenck dich has.

### Sedechias.

Was sol ich thun? ich bin gar irr/  
Sot ich so schweigen fur vnd fur.  
Bis gar verschmachten wird mein herz/  
Es gilt mein leben/vnd ist kein scherz.  
Ich wil es wagen in Gottes nam/  
Vnd in mein herzleid zeigen an/  
Ich hab jojo kein bessern freund.  
Unter allen so hie auff Erden seind/  
Ker widerumb/ ich bit mit pleis.  
Mich obergaeht der angstig schweis/  
Ich wil nu nichts verbergen dir.

### Achab.

Ich kom/wol an/nu sage mir/  
Du kennst doch nu lang meinen sinn/  
Zu raten ich ganz willig bin/  
Was dir zum besten dienen wird/

### Sedechias.

Ach der Teufel mich hat versure.

Ich

Ich scheme mich zu zeigen an/  
Was mir ixt ist Acha. Was bistu fur ein man.  
Bin ich nicht wie dein eigen herz/  
Erewlich mein ichs vnd ones herz.

### Sedechias.

An solchem ich kein zweuel trag/  
Noch gleichwol schewe ich den tag.  
Die Sach ist gar zu grob/ mein Freund/  
Nimmermehr het ich das gemeint.  
Was mir begegnet diese zeit/  
Mit meinem grossen herzenleid.

### Achab.

Soles doch niemand mehr erfahren/  
Ich wils bey mir so fest bewaren.  
Das es eim Stein sol sein gesagt/  
Darumb sey du nur vmerzagt.

### Sedechias.

Eintemal du es ja wissen wilt/  
Mein herz fur grosser liebe quill.  
Kein rhu ich hab gar keinen tag/  
Des nachts ich auch nicht schlaffen mag.

Ich

Ich brenn vnd leid on unterlas/  
Der brunst vnd his ist one mas.

Achab.

Es sol wol der Mensch mein frankheit han/  
Sag an/wo nach sehnst dich mein man.  
Ob ich kund leschen solche brunst/

Sedechias.

Ich hiele trawen viel von deiner kunst.  
Wenn aber dir wer/wie mir ist/  
Ob du gleich gar ein geschickter Man biss.  
So wer zu wenig all dein kunst/  
Zu leschen so grosse his vnd brunst.

Achab.

Doch soltu drumb verzweueln/ nicht/  
Sag nur frisch her/was dir gebracht.  
Wo ist dein herz so sehr entbrand/

Sedechias.

Susanna ist sie dir wol bekand.  
Die hat mein herz besessen gar/  
Ich sage dir/vnd sags furwar.  
Werdt ich jr nicht mechtig werden/  
So ist mein leben aus auff Erden.  
Ach Susanna du schones bild/

Bon

Von lieblicher gestalt reich vnd mild.  
Deines gleich ist noch nie komen auff Erd/  
Ach wie lieblich ist dein geberd.  
Kein Maler dich schoener malen künd/  
Mit seiner hand vnd kunst geschwind.

Achab.

Dauon ich wußt auch zu sagen was/  
Doch ist mein hertz nicht über die mas.  
Wie dieser sagt / gegen jr enkünd/

Sedechias.

O das ich sie nur möchs ein stund  
Sehen/ vnd laben die augen mein/  
Mit irer gestalt ganz hübsch vnd sein.  
Ich wolt nicht nemen gros gelt dafur/

Achab.

Nu lass mich auch was beichten dir.

Sedechias.

Es solt wol auch mit dir was sein/

Achab.

Ich sage nicht darzu gar nein.  
Denn ich lieg auch in diesem Spitalle.  
Vnd füle mich in gleichem fall.

Das

Das Weib so schön vnd holdselig ist/  
Mein herz je nimmer mehr vergist.  
Doch lass ich mir den willen nicht/  
Wend offt von jr mein angesicht.  
Damit ich nicht in grösser brunst  
Gerate/ denn es ist vmb sonst.  
Das ich jr wolt stellen nach/

Sedechias.

Ach es bestehe mich all vngemach.  
So wil ich nu auffhören nicht/

Achab.

Schaw das dir nicht wiz gebricht.  
Sie ist ein Weib von tugend reich/  
In keuscheit ist jr kein ander gleich.  
Niemer sie wird funden allein/  
Ir Dienerin allzeit vmb sie sein.  
So ist zwischen jr vnd jrem Herrn/  
Welchen sie billich helt in ehn.  
Ein grosse lieb/ vnd wo das ist/  
Da ist verlorn all tück vnd list.  
Was man nu nicht erlangen kan/  
Ist besser/ das mans nicht sahe an.

Sedechias.

Ich weis ein weg/ mich dünket es sol.  
Mein furnemen mir geraten wol.

Achab

Achab.

Ich wolte schon mit dir anstehn/  
Wenn es vns wolt von statten gehn.

Sedechias.

Nicht zweiuel daran/ vernim mich rechte/  
Ich wil dich brichten kurz vnd schlecht.  
Weissu den Garten hinterm Haus/

Achab.

Solt ichs nicht wissen? denn daraus  
Sie pflegt zu bringen jrem Herrn/  
Die schönsten blümlein / vnd in verehrn.  
Wenn wir bey jm zusammen komen/

Sedechias.

Rechte hastu solchs wargenomen.  
Nu höre weiter / was ich sag/  
Wenn die Son kompt an den Mittag:  
Vnd die hitz nimet über hand/  
Gehet sie / wie mir wol ist befand.  
In gemelten Garten gemeinlich/  
Vnd nimpt sonst niemanden mit sich.  
Denn zwei megde/ die jr nach gehn/  
Vnd jr / wie billich/ zu gebot sehn.  
Durch den Garten ein reine Bach  
Fleust im schatten / wie unterh' dach.

B      Denn

Dem grosse bewm die stehn am rand/  
Dadurch die Sonn wird abgewand.  
Wenn sie nur etwas lustig wird  
Zu baden/als denn sie sich abgiert.  
Vnd schickt zu rück die megde bald/  
Das sie jr holn seiffen vnd Salb.  
Auff solche seine gelegenheit/  
Muugen wir lauren zu rechter zeit.  
Vnd wenn wir sie werden finden allein/  
Als denn nicht faul vnd seumig sein.  
Sie uberraschen vnd sie zwingen/  
So mocht ons auch die Sach gelingen.  
Das weiber Volk gar furchtsam ist/  
Darumb es sich auch leicht vergist.  
Ehe die megde komen aus dem Haus/  
Han wir die Sach gerichtet aus.

Achab.

Bey meinen trewen du sagst recht/  
Unser Sache wird werden schlecht.  
Wenn wir nur vnsr vleis nicht sparn/  
Das wild wir wollen in unser garn  
Bringen/vnd geniessen unserer lust/  
Susanna du des entgelten must.

Sedechias.

Es ist aber auch fast vmb die zeit//  
Das wir soln warten auff vnser heut.

Ehe

Ehe sie kompt in den Garten hinein/  
Muessen wir uns verstecken drecin.

Achab.

Ich het wol ein wenig zu thun vorhin/  
Jedoch ich darzu willig bin.  
So viel ich nicht kan in des daheim/  
Verseumen/das sol mir viel lieber sein.

Sedechias.

Wir wagens dahin/glück schlache zu/  
Niemand vermag so viel/als du.

Achab.

Doch meines achtns besser es wer/  
Das wir nicht elten allzu sehr.  
Vnd blieben von fern alhie stehn/  
Bis sie wird in den Garten gehn.  
Darnach wir uns zu richthen hetten/  
Vnd erst als denn zur Sachen theten.  
Denn wo sie heut nicht in den Garten  
Keme/ so wer vmb sonst unser warten.

Sedechias.

Wol an dein rat geselh mir wol/  
Niemand bedenkt bald was er sol.  
Ein Man kein man spricht man gemein/  
Drumb auch im Rat jr dreizehen sein.

Biij Achab

Achab.

Halt still/da kompt sie schon daher/

Sedechias.

Das sind fur vns gut newe mehe.

Achab.

Kom las vns den ort nemen ein/  
Da vnser hinderhalt sol sein.

Sedechias.

Nich dünckt es besser/ sie kem zuvor/  
Das wir darnach verriennen das Thor.

Achab.

Die meinung ist gut/ ich las darbey/  
Manch anschlag gehört zur lotterey.

Actus primi. Scena III.

Susanna. Anna. Sara.

**I**n megde mich recht vernempt/sag ich/  
Ich bin gesind zu machen mich  
In Garten/weil der Herr gessen hat/  
Vnd mein emperen kan/ gehet von stat.  
Vnd nempt die körbe/das wir drein/  
Lesen/was vns von noten wird sein.

Anna

Anna.

Wir woln nicht seumen/dein so wir/  
Herkließte Frau wol dienen dir.  
So ists so viel/ als dienten wir Gott/  
Welcher vns solchs besohlen hat.

Susanna.

Gott lob ich hab ein fromes gesind/  
Des man jzund gar wenig find.  
Vnd vnter den meyden sonderlich/  
Künnen zwar sehr wol fütttern sich.  
Man darff sie nicht heissen schlaffen gehn/  
Wenns aber zeit ist auff zu stehn.  
Wirds herren vnd fräwen sawer gnug/  
Denn manche beim Bett helt einen kruug.  
Das sie ein guten schlafftrunk thut.  
Vnd schlefft darnach mit freiem mut.  
Das sie kein floh die ganze nacht/  
Fülen thut/ weil sie nimmer erwacht.  
Vnd wenn sie nicht jren hals vol han/  
Als denn nicht immerdar geschehen kan.  
Künnen sie schnurren vnd murren gnug/  
Sprechen die megde sind nicht klug.  
Die da bleiben in solch'm Haus/  
Wollen von stund an zihen aus.  
Wie aber die arbeit wird verricht/  
Das selb geht jnen zu herzen nicht.

B iii Schilt

Schilt man sie/ so schelten sie wider/  
Wenn gleich die Frau stets auff vnd wider/  
Im Hause gehet/ so hilfft es nicht/  
Gleichwohl des schadens grug geschicht.  
Noch wollen sie hoch gefeiert sein.

So sind aber nicht die megde mein.  
Die mir mein Gott bescheret hat/  
Denn on sein segen vnd genad/  
Kan niemand haben ein from Besind/  
Sein gab ist auch ein from Weib vnd Kind.

### Anna.

Darnach du vns/ Frau / hast gesand/  
Das bringen wir hie/ nu sag zu hand.  
Was du von vns wilt haben mehr/  
Denn gar nichts sol vns sein zu schwer.

### Susanna.

Ich weis jetzt nichts/ folget nur mir/  
Was aber sein wird mein begir.  
Das wil ich im Garten zeigen an/  
Darin ich psleg mein lust zu han.  
Nicht fleischlicher freuden halben allein/  
Sondern das Gott der HERRE mein.  
Sich drinne beweiset wunderlich/  
Das selb furnemlich erfreuet mich.  
Es sol ja ein Mensch viel anders sein  
Gesinnet/ denn ein Kue oder Schwein.

Vnd

Vnd dencken an Gott tag vnd nacht/  
Der durch sein Wort als schafft vnd macht.  
Wenn wir ansehn den Himmel schon/  
Mit seinen liechtern/ das wir daun  
Lernen/ wie grosse herrlichkeit/  
Des scheppfer sey von ewigkeit.  
Das werck den Meister zeiget an/  
Ob man in gleich nicht sehen kan.  
Die Sonne den tag vnd das jar regirt/  
Das jericly Sommer vnd Winter wird.  
Der Mond der leuchtet bey der nacht/  
Mit seinem lauffer monden macht.  
Die andern stern thun auch jr Ampt/  
Dazu sie gemacht sind alles ampt.  
Vnd wircken auff Erden wanderlich/  
Denn selber kan sie nicht machen sich  
Fruchtbar/ des Himmels sie mus allein  
Geniessen/ so sie sol fruchtbar sein.  
Daran gedenck ich alle zeit/  
Vnd hab also mein lust vnd Freud.  
Nicht an Kleidern wie manche Frauen/  
Die sich hinten vnd forn anschawen.  
Darumb wenn ich in Garten gehe/  
Vnd mich darin mit vlets umbsehe.  
Wie schon all ding wachsen daher.  
Bedenck ich den Scheppfer vnd seine ehr.

B iii

Denn

Denn Himmel vnd Erd / vnd was er sunst/  
Geschaffen hat durch seine Kunst.  
Ist wie ein Buch von jm geschrieben/  
Vnd von anfang her also blieben.  
Das wir Menschen fur augen hetten/  
Vnd in daraus erkennen theten.  
Wie mechtig / wie klug / wie from er sey/  
Vnd in also bekennen frey.  
Zu jm vns hielten in aller not/  
Als zu dem ewigen waren Gott.  
Der mit seiner gegenwartigkeit/  
Schaffet vnd erhellte alle zeit.  
Solches auch mich mein Garten lert/  
Darin mir Gott viel gutes beschert.  
Der sey gelobt in ewigkeit/  
Nu folget mir je treweh meid.

### Sara.

Wer wolt nicht gern folgen dir/  
Mein herz fur freuden springet mir.  
Wenn ich vmb dich bin / vnd dich hör/  
Mit deiner schönen lieblichen ler.

### Actus primi. Scena IIII.

Sedechias. Achab.

**S**as wilpret / hoff ich / vns nicht sol  
Entgehen / vnd sol vns halten wol.

Nu

Nu last vns wol achtung han/  
Das sie vns nicht ermercken kan.  
Bis die megde nu werden sein  
Gangen zu ruck / vnd sie allein.  
Im Garten spaciren wird umbher/

### Achab.

**A**Es tauge nicht zu seumen sehr.  
Wo die Beweue am dict sten stehn/  
Wollen wir heimlich in Garten gehn.  
Vnd warten wenn sie nu ist allein.  
Das wir eilend hinter se her sein.  
Geben ixt gute / ixt böse wort /  
Damit die Sach vns gehe fort.  
Wenn wir den marek geschaffet han/  
Wischen wirs maul vnd gehen dawon.

### Sedechias.

Darnach frag ich nichts überal/  
Was vnsere prediger alkumal.  
Wider solch lassier pslegen zu lassen/  
Mir thut es also wol gefallen.  
Die Psassen es nicht anders werden  
Machen / denns gewest ist auff Erden.

### Achab.

Lass ixt von solchem / es ist zeit/  
Das wir nu gehn an vnser freud.

B v Actus

Actus primi. Scena V.

Duæ ancille, ex horto remissæ.

Anna.

**W**eil die fraw im Garten spaciert/  
Zu baden auch sie lustig wird.  
Darumb sie vns zu rück ins Haus  
Schickt/ jr bald zubringen hinaus/  
Seiffen vnd Balsam/ vnd kleider weis/  
Das wollen wir auch austrichten mit vleis.

Sara.

Sie ist des wert/ das wir fren willen/  
Alle zeit/ mit vleis erfüllen.  
Gott sie erhalte lange zeit/  
Das jr geschehe nimer kein leid.  
Sie ist ein trewes fromes herz/  
Ihr teglich haushaltung ist jr kein scherz.  
Kein vnnütz wort jr aus dem mund  
Gebet/ sie fürcht aus herzen grund  
Gott iren Herrn/jn rufft sie an/  
Gewis er sie nicht lassen kan.

Anna.

Das mügen wir abnemen wol/  
Denn jr ihun ist des Segens vol.

Was

Was sie noch fur genomen hat/  
Das ist jr wol gegangen von stat.  
Solches ja Gottes segen macht/  
On welchen ein Mensch vergebens trach.  
Wenn er gleich wer König Salomon/  
Aber lass vns ausrichten schon.  
Was sie vns ist beföhlen hat/  
Vnd sie bedarff zu jrem bad.

Sara.

Ach schwester was bedeut das geschrey/  
Mich dücket/ das der Fräwen stim sey.  
Sie ißt fur war ach Herr Gott/  
Sey vns gnedig in solcher not.

Actus primi. Scena VI.

Susanna. Sola.

**W**eh/ O weh/ was hab ich erlebt/  
Mein herz furschreckt zittert vnd bebt.  
Ach wie ein not mir armen Weib/  
Begegnet ist davon mein Leib.  
Vnd Seel ist komen von aller krafft/  
Solchs alles der arge Teufel schafft.  
Der allen Menschen ist bitter feind/  
Sonderlich aber vns weiber meint.

Nicht

Nicht drumb allein/ das wir schwach sind/  
Zu vben an vns sein list geschwind.  
Sonder auch weil des Weibes Sam/  
Sein kopff zutrit/ das er mir lan.  
Die Menschen aus seiner Tyranney/  
Vom Tod vnd allem jamer frey.  
Vnd weil das selbig Weib sol sein/  
Aus den Jüdischen weibern allein.  
So lesset er nichts vnuersucht/  
Wie er selbs ewig ist verflucht.  
Das er vns bringe in Sünd vnd schand/  
Wie mir geschehen wer zuhand.  
Wo mich Gott nicht bewaret het/  
Der mir sein Engel senden thet.  
Wie listig ist der schalckhaftig Geist/  
Das er vns angreift allermeist.  
Wenn er vns etwa findet allein/  
Vnd abgesondert von der Gemein.  
Wie er gethan hat im Paradis/  
Da sich Eva allein finden lies.  
Hat er sie leicht gebracht zu fall/  
In sie gegossen sein gifft vnd gall.  
Weiles jm da geraten ist.  
Vbet er noch jmer die selbe list.  
Ach het ich mich solches versehen/  
Mein megd het ich nicht von mir lan gehn.

Actus

Actus primi. Scena VII.

Anna.

Susanna.

Wie ist dir geschehn du liebste fraw mein?  
Verhalt vns nicht den vnsal dein.

Susanna.

Ach was sol ich euch viel klagen?  
Es taug auch mir nicht wol zu sagen.  
Wie mich nach ewrem abscheid han/  
Unser Eltesten gefallen an.  
An mir versuchet allerley/  
Das sie mich brechten vmb mein trew.  
Gar kaum ich jn entworden bin/  
Sonst hetten sie mich gerissen hin.  
Ir teuflische brunst an mir gefült/  
Vnd allen jren mutwillen erhält.  
Gott hat mich allein bewart fur schand/  
Dem sey lob / ehr durch alle Land/  
Sie werden gwis sich rechnen an mir/  
Weil jn gesellt hat ir begir.  
Doch alles ich lieber leiden wil/  
Denn fur Gott haben des zagens viel.  
Wenn ich begangen het die sünd/  
Durchs Teufels tück vnd list geschwind.  
Las vns nu wider gehn hinein/  
Die Sach wird Gott besohlen sein/

Actus

Actus Secundi. Scena I.

Duo Senes.

Sedechias.

**Q**ie schanz wir schendlich versehn han/  
Was thun wir nu das zeig mir an.  
Denn ich so viel vernunfft hab nicht/  
All klugheit mir als hie gebracht.

Achab.

Was meinstu das wir anders thun/  
Denn das wir am Sack vns rechen mun.  
Solches kan geschehen auff diese weis/  
So wir nur wollen haben vleis.  
Wir wollen beseken das Gericht/  
Da selbs furbringen dis geticht.  
Wie wir sie auff frischer that/haben/  
Begrissen mit einem jungen Knaben.  
Und das er vns wider ist entkommen/  
Dawir sein nicht recht wargenomen.

Sedechias.

Wie wenn man wird nach zeugen fragen/  
Was werden wir denn darauff sagen?

Achab

Achab.

Deinsorg hie gar vergebens ist/  
Weistu nicht/ das du der Elteste bist?  
Vnd ich der andere neben dir/  
Wer thürste doch furwerffen mir.  
Das ich nicht etel warheit redt/  
Wer mir ein lägen zumessen theet  
Der spilete mit seiner zung/  
Sey du nur unbekümmert drumh.  
Ich wil der haken finden wol/  
Ein stiel/ der nicht zubrechensol.

Sedechias.

Du kanft es so gut machen nicht/  
Geredts/ so lob ich solch geticht.

Achab.

Gehe eilend herumb du stecken knecht/  
Samle die Gemein zu einem recht.  
Vnd das sie von stund an kom zu samien/  
Das sag eim jeden in vnserm namen.

Actus Secundi. Scena II.

Iosafat. Susanna.

**W**as ist dir doch / du liebes Weib/  
Die mir lieber ist/ denn mein leib.

Das

Das du so weinest vnd traurig bist/  
Welches doch nicht dein gewonheit ist  
Verhalte mir dein trewsten nicht/  
Was dich sünd so sehr ansicht.  
Auff das ich dir bald raten mag/  
Denn auff dich stete sorg ich trag.

### Susanna.

Du aller liebster Herre mein/  
Ich weis wol die grosse trewe dein.  
Desti mehr ich mich bevliessen hab/  
Dir trew zu sein bis in mein grāb.  
Vnd keusch zu füren das leben mein/  
Denn nicht mein bin ich, sondern dein.  
Was aber aus leidigen Teufels list/  
Mir newlich schier begegnet ist.  
Das wil ich dir im Haus allein/  
Sagen du liebster Herre mein.  
Denn solches zu sagen öffentlich/  
Wie billich ist ich scheme mich.

### Joakim.

So wollen wir in Gottes nam/  
Dein flag allhie nicht hören an.  
Sondern in unserm Kemerlein/  
Da Gott allein wird bey uns sein.

Susanna

### Susanna.

Du weist mein Herr wie oft du mich.  
Geleret hast vnd vnterricht.  
Wie sich Eheleute halten sollen/  
Wo sie anders recht leben wollen.  
Sich scheuen auch vor frem gesind/  
Vnd das sie nicht ergern irgend ein Kind.  
Gott sol allein jr heimlichkeit/  
Wissen vnd kennen alle zeit.

### Joakim.

Solchs ich mich erinnere wol/  
Drumb ich dem selbs auch folgen sol/  
Was bedeut aber das die Gemein/  
Sich finden thut zum Hause mein.  
Nu mus vñser ding also bleiben/  
Denn gemeiner nuz pflegt zu vertrieben.  
Den eignen / wiewol zu vñser zeit/  
Der gemeine nuz darmider leit.  
Ein jeder denkt nur auff das sein/  
Es stehe oder falle die Gemein.  
Gehe du hinein mein liebes Weib/  
Ich mus hie warten auff bescheid.  
Den mir die Elstern werden geben/  
Darumb ich auff sie merck gar eben.  
Sie komen zwar auch schon daher/  
Zu sagen mir die neuen mehr.

C

Actus

Actus secundi. Scena III.

Sedechias. Joakim. Achab.

**S**ück zu mein lieber Joakim/  
Joia. Was habt jr Elsten ixt im sin?  
Das jr so eilend samlet die gmein/  
Als mus gros not verhanden sein?

Achab.

Die Sach ist freilich nicht gering/  
Wolt Gott/ es besser bey vns zugieng.  
Die vnzucht sehr nimpt vberhand/  
Aus welcher herkompt all sünd vnd schand.  
Wir ergern auch die Heiden sehr/  
Das sie verachten vnser Ler.  
Weil sie so bös Erexpel sehn/  
Die vnter vns in vollem schwung gehn.  
Welchs die furnemsten sind im schein/  
Die selben fast die ergsten sein.  
Darumb wir auch verursacht sind/  
Nicht mehr zu sein so schlaff vnd lind.  
Sondern ein ernstes auffsehen zu han/  
Auff alles Volk/ auff Frau vnd man.

Sedechias.

Der han del geht mich gleich so wol an/  
Mein Gsell aber jm has helfsen kan.

Es

Er gibt der Sachen ein solche gestalt/  
Die Leut müssens Gleuben mit gewalz

Joakim.

Ewr vleis vnd ernst mir wogefelt/  
Denn wo man den lastern nicht nachstelle.  
So nemen sie zu von tag zu tag/  
Zu lezt man jn nicht stewern mag.  
Wer kan ixt wuchern vnd sauffen wan?  
Solch laster thut man hoch verehrn.

Achab.

Solch vrtiel sprichstu wider dich/  
Wie kürzlich wirt erzeigen sich.  
Ir Ersame herrn aus der gmein  
Sezt euch/wir sollen ixt kleger sein.  
Ein bös ding sich hat begeben heut/  
Wie nie geschehen vor dieser zeit.

Actus secundi. Scena III.

Preco. Proprætor.

Achab. Sedechias.

**S**As gericht schon besetzt ist/  
Wer nu etwas zu dieser frist.  
Zu klagen vnd handeln ist gesind/  
Der selbig bald herzu sich find.

Eij Auff

Auff das mein Herrn nische all zu lang  
Verzogen werden/ vnd jn werd bang.

Achab.

Nach dem wir im Volck die Elstien sein/  
Vnd stehen fur der ganken gemein.  
Billich wird vns die erste verhor/  
Uber das ist das noch viel mehr.  
Das die Sach nicht ist vnser allein/  
Sondern der ganken Jüdischen gemein.  
Ja Gottes des Herrn/ der vns hat/  
Erwelt zu seinem Volck aus gnad.  
Darumb wenn wir vns halten recht/  
Von seinem Wort auch bleiben schlechte.  
So wird gefördert seine Ehr/  
Dagegen hat er des vnehr.  
Wenn wir ein schendlich leben fürn/  
Anders / denn seim Volck thut gebürn.  
Vernempt mich nu weiter lieben Herrn/  
Wie jr euch denn nicht habt zu beschwern.  
Weil jr darzu berussen seid/  
Recht zu schaffen zu jeder zeit.  
Wie der from König Josaphat/  
Sein Amtleut vnterrichtet hat.  
Wir gingen im Garten Joakim  
Spaciren/ da kam Susanna hin.

Mit

Mit zweien Dirnen/ doch sie nische  
Gesehen vns hat/ wie oft geschicht.  
Das Gott der Menschen augen blend/  
Wenn sie nu sollen werden geschend.  
Vnd ireschalekheit kommen an tag/  
Das jederman sie sehen mag.  
Vnd nicht mehr hilfft jr heuchelen/  
Zu decken weiter ire büberey.  
Wir wolten des handels ende sehn/  
In ein gestreuch wir darumb gehn.  
Nicht lang hernach sie schickt zu rück/  
Die dirnen/ zu bergen ire tück.  
In des kompt in Garten hinein/  
Ein junger Gesel gepuzet sein.  
Dem selben Susanna entgegen geht/  
Ganz lieblich vnd freundlich in empfeht.  
Wol künd jr Herrn abnemen darbey/  
Was doch daraus gefolget sey.  
Denn vor gericht man reden sol/  
Mit grosser reuerenz/ gleich so wol.  
Als wenn man fur Gott selber ständ/  
Wie sichs doch sständ wenigbe find.  
Auff das nit solche gewliche that/  
Gestrafft würde/ wie Gott geboten hat.  
Ließen wir zu/ vnd griffen den Knaben/  
Den wir bey se gefunden haben.

E in Wie

Wie wir sit aber nicht alzu wol  
Bewarten/ wie man jm thuen sol.  
Denn wir nicht bittel oder Hencker sind/  
Ist vns entworden das bose Kind.  
Des thuen wir ein thewren eid/  
Bey diesem Stuel der gerechtigkeit.  
Denn vns nicht anders geburt zu klagan/  
Denn was wir mit warheit mugen sagen.  
Auff solche flag ist unser beger/  
Ie wolt das Weib lan bringen her.  
Vnd mit jr handeln nach unserm Recht/  
Nicht sehen an jr gros geschlecht.  
Sondern sie straffen ernstlich/  
Damit andere an sie stossen sich.  
Vnd dencken hat man jr nicht verschont/  
Viel mehr geschiets/das man vns lont.  
Wo man vns find in gleichem fall/

Sedechias.

Was Achab gesagt/ist allzumal  
Auch mein wort / vnd das jr jawolt  
Bedenken wol/ was jr thun solt.  
Auff das nicht Gott erzürnet werd/  
Vnd vns allen was wider fert.  
Zu unserm grossen nachteil vnd schaden/  
So wir sein zorn auff vns laden.  
Denn wenn die in der Oberkeit/  
Nicht halten über der gerechtigkeit.

Se

So mus sich Gott selber jr nemen an/  
Vnd beide Herrschafft vnd unterthan.  
Straffen zu gleich/des han wir viel  
Exempel/wer sie nur mercken wil.  
Es wird das Weib wol leucken sehr/  
Ie nein sol aber nicht gelten mehr.  
Denn onser ja/denn je Gott spricht/  
Man sol einem Menschen gleuben nicht.  
Sondern in zweier oder dreier mund/  
Hat ein gezeugnis rechten grund.

Actus Secundi. Scena V.

Prætor & Iudices.

Prætor.

**W**Ie haben vernomen/ewer flag/  
Draus aber nichts erkand werden  
Bis wir verhöre die ander part/mag.  
Darumb jr auch billich darauff wart.  
Denn was in der flage scheinet war/  
Wird oft zur lügen offenbar.  
Wenn man die ander part auch verhört/  
Wie denn die teglich erfahrung vns lert.  
Du Diener gehe zu Joakim/  
In unserm namen gebiete jm.

E iij Das.

Das er mit Susanna seinem Weib/  
Für uns erscheine / vnd nicht aus bleib.  
Ir Kleger die weil trettet bey seit/  
Vnd wartet weiter auff vnser bescheid.

Achab.

In Gottes namen lieben Herrn/  
Solchs sol uns gar nicht beschweren.

Actus secundi. Scena VI.

Prætor cum Assessoribus.

**N** Herrn/was dünkt euch vmb die sach/  
Irs gleichē nicht ist uns furkome nach.  
Darumb sie uns wird zu schaffen gebē/  
Wer da verleust/dem kosts sein leben/  
Dazu auch eine ewige schand/  
Mit allen / so jm sein verwand.  
Vnd betrifft das gericht hohe Leut/  
Unseren Eltesten auff einer seit.  
Auff der Landern aber den Joakim/  
Welcher durch aller Jüden sim.  
Unser överster vnd Vater ist.  
Duratet darzu/Herrn/was ir wissst.

Assessor primus.

Warlich her Richter/mir gravet sehr/  
Die Sach ist an ir selber schwer.

So.

So fallen grosse vmbstend darein/  
Drumb ich viel lieber wolt weit dauen sein.  
Solchs nicht bedencken die tollen leut/  
Die gerne wern in der überkeit.  
Wenn sie gleich wern darzu geschickt/  
Gleich wol den Leuten nichts gelückt.  
Die fur geschickt selbs halten sich/  
Vnd andere verachten stolzlich.  
Ir handel auch offt sich also reimt/  
Als wenn einer das ros im hindern zeumt.  
Denn Gott der Herr sie macht zu narrn/  
Das sies mitschaden müssen erfahren.  
Wie er der Menschen vermessnenheit/  
Zu schanden macht alle zeit.

Assessor secundus.

Was hilfftis/das wir uns viel beklagen/  
Ich riet/wir theten nichts/darnach fragen.  
Ob gleich sichs zutrug/das vnser urteil/  
Würde haben ein mangel vnd feil/  
Vnd's Volk uns solchs wolt fur obel haben/  
So können wir jm wol wider sagen.  
Warumb habt ir uns zurichtern gemacht/  
Dajr uns darzu ontlichtig acht.  
Sucht euch ein andermal geschickter Leut/  
Vnd wolt ir nicht warte/so thuts noch heut.

C v Assessor

Assessor tertius.

Ie wolt nicht zürnen mein fromer Herr/  
Denn meines dünkens jr irret sehr.  
Die personen in der überkeit/  
Gesetz zu handhaben die gerechtigkeit.  
Nicht durch Menschen verordnet werden/  
Zu erhaltung der zucht hie auff Erden.  
Sondern Gott selbs die regiment/  
Stiftet von anfang bis zum end.  
Er mus am ersten schaffen solch Leut/  
Sie selbs auch erzihen bis zur zeit.  
In geben weisheit vnd verstand/  
Zu muß vnd fromen dem ganzen Land.  
Dazu ein ernsten tapffern mut/  
Der gunst vnd vngunst verachten thut.  
Endlich das in jr guter rat/  
Gehe von handen vnd wol von stat.  
Darzu mus auch Gott Lerer geben/  
Fried/lieb vnd einigkeit darneben.  
Wenn solche gaben verhanden sein/  
Ist leicht zu welen einer gemein.  
Wo sie aber Gott nicht beschert/  
Wie auch die tolle welt sie nicht begert.  
Vnd müssen doch regenten sein/  
So mus von notwegen die gemein.  
Nemen / was sie bekomen kan/  
Vnd mus sich dran genügen lan.

Wer

Wer nicht vermag ein Ländisch kleid/  
Der selbig jm einen graven rock schneid.  
Ehe denn er solt gar nacket gehn/  
Vnd also mit grossen schanden bestehn.  
Also hats mit der wahl ein gestalt/  
Darumb mus man mit ernst als hale  
Gott bitten/er wolt ein auffseher sein/  
Sonst kans nicht zugehen recht vnd sein /  
Desgleichen die wir erwelet sind /  
Solln nicht schlählen das ampt in Wint/  
Sondern vns unterwerffen Gott/  
Vnd hertzlich erkennen onserre not /  
Derhalben in allezeit rufen an/  
Vmb hilff die er allein geben kan/  
On welche auch die Klügsten zu wissen/  
Pflegen zu strauchlen vnd zu feileen/  
Ja je klüger vnd weiser sie sein/  
Je leichter versären sie jr gemein /  
Wenn sie sich nicht auff Gott verlassen /  
Sondern auff sich bawen ober die massen/  
Weil wir nu sizen in dem ampt /  
Das Schwert zu führen in onser hande/  
Müssen wirs tragen mit gedult /  
Gott bitten auch vmb gnad vnd huld /  
Er wolt der oberst sein im gericht /  
Auff das wir werden betrogen nicht /

Sondern

Sondern den gerechten sprechen frey/  
Vnd straffen der argen Leut büberey.  
Daneben nicht sparen vnsren vleis/  
Vben all mögliche weg vnd weis.  
Zu komen der sachen auff rechten grund/  
Als denn spricht man ein Drittel rund.

Assessor quartus

Vimb kurze willen ich es las  
Bleiben bey dem/ herr Richter/das  
Dieser mem bey sitzender Herr  
Gesagt hat / auff ewer beger.

Prætor.

Das ist die rechte meinung / jr Herrn/  
Drumb solt jr andern folgen gern.  
Wollen also in Gottes nam/  
Diesen schweren handel greissen an.  
Wenn nur Susanna verhanden wer/  
Vnd zwar der Diener kompt schon daher.

Actus secundi. Scena VII.

Preco. Prætor. Iosafat.

Hechias. Susanna.

Preco.

Herr Richter/ die Leute sind alle sampt  
Verhanden/nach welchē ich bin gesand.  
Prætor

Prætor.

Du magst sie fur vns komen lan/  
Denn wir auff sie gewartet han.  
Gut ist es / wenn es sich zu tregt/  
Das ein Sach hin kan werden gelege.  
Hie aber hat kein stelle das/  
Die Sach ist aus eim andern fass.

Iosafat.

Auff ewen befchl / weise Herrn/  
Sind wir fur euch erschienen gern.  
Vnd bitten vntertheniglich/  
Ewr Herrschafft nicht wolt beschweren sich.  
Vns kurklich die Sach zu zeigen an/  
Warumb jr vns habt besenden lan.

Prætor.

Wolt Gott es wer ein andere Sach/  
Ihr auch nicht hettet zu fragen darnach.  
Wir kunnen aber darider nicht/  
Weil vns befohlen ist das Gericht.  
Klag vnd antwort müssen wir hören/  
Vnd so viel möglich / dem vbel weren.  
Ich wil in Summa erzelen die Sach/  
Auff antwort seid jr bedacht darnach.  
Unser zwey Elfsten Susannam an  
Klagen/ das sie eim andern man

Bulet/

Bulet / vnd mit jm heimlich bricht/  
Wider jr trew die Ehelich pflicht.  
Des zeigen sie gros kundschafft an/  
Das sie kein unwarheit sagen dran.  
Denn sie han sic auff frischer that  
Ergriffen / was sie drauff zu sagen hat.  
Da wollen wir sie gleich so gern/  
Als die andet part / darin verhören.  
Vnd keine person zihen fur/  
Aus menschlichem willen vnd begir.

### Joakim.

Nichts weniger ich nich / weise Hern/  
Cr wolt euch meiner wort nicht beschwern)  
Mein lebtag jemals hab versehn/  
Denn was ich jkund von euch vernem.  
Wir haben ons zu jeder zeit/  
Gevlissen hoch der frödigkeit.  
In vnser ganzen freundschafft vñ geschlecht/  
Zu meiden / was da ist unrecht.  
Von meinem Weib aber sonderlich/  
Ich nichts unbillichs versehe mich,  
Denn kein anzeigung gros oder klein/  
Anders an je zu mercken sein/  
Denn das sie mich ganz trewlich meint/  
Gebricht mir das kleinste / halt sie weint.

Nimpt

Nimpt sich vmb mich viel grosser leid an/  
Denn ich selber / jr trewer Man.  
Das thut kein solche / die jre trew/  
Verkeret hat in Büberey.  
Was sie aber fur leben vorhin  
Gefurt / ehe ich jr worden bin.  
Weis jr Vater besser / denn ich/  
Der alhic auch gestellet sich.

### Helchias.

Ach was hab ich armer Man erlebt/  
Das nu solch ding mit mir sich hebt.  
Mein Kind von seiner kindheit her/  
Mir hat erzeigt all trew vnd ehr.  
Gott den HErrn fur allen dingen/  
In grossen sachen vnd geringen.  
Für augen gehabt mit siettem bitten/  
Er wolt sie fur sünd vnd schand behüften.  
Hats auch mit jrem leben beweist/  
Damit erfreuet mich allermeist.  
Nu wird mein freud in trawern verkeret/  
Welches mein alter gar hoch beschwert.  
Denn ob mir wol dran zweiuelt gar nicht/  
Das je durch flag unrecht geschicht.  
So ist doch ein Vater bang darhey/  
Wenn sein Kind kommt in ein geschrey.

Susanna

## Susanna.

O Herr Gott las dichs erbarmen/  
Vnd hilff aus dieser not mir armen.  
Darein mich füren Gottlose leut/  
Das ich nicht billiche jre bosheit.

## Prætor.

Es mag dem allem also sein/  
Wir sehen aber niemand ins herz hinein.  
Sondern müssen flag vnd antwort hörn/  
Vnd vns nicht an ja oder nein schlecht fern.  
Sondern auff die beweisung achtung han/  
Wer bessern grund anzeigen kan.  
Dem müssen wir das Recht zuteilen/  
Gott geb wir treffens oder feilen.  
Derhalben ihs ein fehrlich ding/  
Vmb das Gericht vnd nicht gering.  
Soje aber noch nicht seid bedacht/  
Wie ewer antwort werd fur gebracht.  
Von euch selbs oder durch einen Man/  
Der von sachen wolreden kan.  
Mügt jr euch vor draussen beraten/  
desse bas wirds euch gehen von staten.  
Auch mügt jrs von klegern werden in/  
Wie sies gegen euch haben im sinn.  
Ehe sie mit euch wider treten herein/  
Die Sach wie jr sehet ist nicht klein.

Denn

Denn wir ja nichts vns an euch wollen  
Bereilen wie wir denn nicht thun solln.  
Man zalt nicht ehr vnd leben mit geld/  
Darumb man billich viel davon helt.

## Zoakim.

Wir danken euch vmb diese gnad/  
Damit wir suchen mügen rat.

## Actus tertij. Scena I.

Prætor. Preco.

Achab. Sedechias.

Aduocatus. Helchias. Zoakim.

## Susanna.

Præ. Du diener zeige den Leuten an/  
Die Sach nicht lenger verzug wil han.  
Das sie sich gestellen furs Gericht/  
Auff das die gerechtigkeit kommt ans Liechte.  
Darumb man auch bey nechtlicher zeit/  
Helt kein gericht der gerechtigkeit.

## Preco.

Herr Richter da sind beide part/  
Auff welche ewer weisheit wart.

D Prætor

Prætor.

Wiewol ich die flag furz hab vermeilt/  
Wie jr fleger sie habt gestelt.  
Der andern part auff das sie sich/  
Auff antwort bedecht fursichtiglich.  
So wil es doch die ordnung han/  
Das beide part gegen ein ander an  
Zeigen/die Ursach/ die sie hat/  
Bewegt zu suchen gemeinen rat.  
Welcher die lezte zuslucht ist/  
Wo alle ander hulff gebracht.  
Der halben wenn jemand one schew/  
Aus eitel mutwil vnd büberey.  
Vald überleusst sein oberkeit/  
Es sey zur zeit oder vnzzeit/  
Ehe in thut dringen die lezte not/  
Wie es verordnet ist von Gott/  
Der ist viel grosserer straffen wert/  
Denn welche dem andern widerfert.  
So er schuldig befunden wird/  
Denn solchs die oberkeit vbel zierte.  
Wenn ein jeder vnsinniger Hund/  
Fur jr thar auffthum seinen mund.  
So zeiget nu jr fleger an/  
Was euch Susanna hat gethan.

Achab

Achab.

Herr Richter/das ist vnser flag/  
Dieses weibs vnzucht ist komen an tag.  
Im Garten wir sie begrissen haben/  
Mit einem frischen vnd jungen Knaben.  
Solches gehet an nicht vns allein/  
Sondern auch alle Jüden in gemein.  
Denn so wir solten schweigen darzu/  
Wie wolten wir fur Gott haben rhu?  
Denn wir alle gut wissen tragen/  
Wie Gott in der Wüsten hat niedergeschlagē.  
Viel tausent vnser Peter/ darumb/  
Das sie unter den Buben giengen vmb.  
Vnd iher vnzucht wereten nicht/  
Ja so schrecklich hielet ers Gericht.  
Das er der Richter nicht schonen thet/  
Weil ein jeder seins Amptis vergessen het.  
Gab Mose sein pfleger ein ernst Gebot/  
Sie anzulegen ein schmehlichen tod.  
Vnd auffzuhengen fur der gemein/  
Das sie solten ein Exempel sein.  
Des zorns Gottes jederman/  
Das sich ein jeder solt stossen dran.  
Darumb wir billich verursacht sind/  
Zu klagen dis hōse gefind.

D ij

Das

Das mit der vnzucht vnd büberey sein/  
In vnglück furt / die ganze gemein.

Prætor.

Wir leucken nicht / das vnser Ampt/  
Zu straffen die laster allesampt.  
Von Gott dem HErrn verordnet ist/  
Vnd wo sich die überkeit vergist.  
Sicht durch die finger vnd straffet nicht/  
Das er denn selbs helt das gericht.  
Beide wider Herrschafft vnd Unterthan/  
Doch wil er auch das von uns han.  
Das wir erkündigen rechten grund/  
Vnd nicht das vrteil sprechen von stund.  
Denn wir sind Menschen / die nicht sehn/  
Wie aller Menschen herzen stehn.  
Darumb wir müssen beweisung han/  
Darauff man das Urteil gründen kan.  
Vnd nicht dem vnschuldige geschehe gewalt/  
Derhalben die klage beweiset bald.

Sedechias.

Holt jr vns nicht für warhaftig Leut/

Prætor.

Lieber Herr/ jr mich solchs verzeit.  
Wenn jr gleich selbs die warheit wert /  
Noch gleich wol das zum rechten gehört.

Das

Das jr beweisung bringen müßt.  
Wie solchs von Gott verordnet ist.  
Denn er weis wol/wie leicht man wird/  
Durch ansehentliche Leut verfurt.  
Darumb er mit ernst befohlen hat/  
Man sol beweisen ein jede that.  
Sagt mir / wo hin ist komen der Knab/  
Den jr bey jr begriffen habt ?

Sedechias.

Haben wir doch vorhin gesagt/  
Weil der Schalck nu gar hette verzage.  
Ist er mit list aus vnserer hand  
Entworden/ vnd ist vns sonst unbekand.

Prætor.

Vielleicht sol er noch werden geborn/  
Von dem jr sagt) er sey verlorn.

Achab.

Herr Richter/weil jr vns glaubet nicht/  
Wider vnser hoffnung vnd zuvorsicht.  
So sind wir fertig zu thun ein eid/  
Zu furdern die gerechtigkeit.  
Vnd legen auff jr heubt vnser hend/  
Zum zeugnis / das wir han recht bekenn.

Prætor.

Wir müssen vns lassen benügen dran/  
Weiter man euch nicht dringen kan.

Nu was ist Susanna die antwort dein/

Aduocatus.

Herr Richter/ last es nicht wider euch sein.  
Das ich der Frawen wort reden mag/  
Vnd antwort geben auff die flag.  
Denn ob sie gleich vnschuldig ist/  
Gleichwol ein Weib sich leicht vergist.  
Aus angeborner blödigkeit/

Prætor.

Solchs man dir hic nicht verbeyt.  
Denn im Gericht ist jederman/  
Erleubt/wer nicht selbs reden kan.  
Das er ein andern las fürn sein wort/  
Darumb magstu wol reden fort.

Aduocatus.

Das arm Weib ist in grosser fahr/  
Wie einem jeden ist offenbar.  
Sie ist auff iher seit allein/  
Vnd wider sie zween menner sein.  
Darzu die Elsten aus dem Volk/  
Wo diese eim Menschen sind vnholt.  
So kan es schwerlich fur in bestehn/  
Er mus fur iher gewalt untergehn.  
Also wird auch dis Weib durch gwallt/  
Mit prechtigen worten vnd schöner gestalt.

Über-

Überfallen in diesem Gericht/  
Da sie sich zu schüzen hat anders nichet.  
Denn Gott von Himmel/der jr bisher/  
In gnaden bewaret hat ijc chr.  
So ists dem ganzen Volk offenbar/  
Das sie von jugent auffimmerdar.  
So feusch vnd züchtig gelebet hat/  
Für allen Frawen der ganzen Stad.  
Gottfürchtig/seom/ irem Herrn trew/  
Für welchem sie hat so grosse schew.  
Das sie on wissen vnd willen sein/  
Nichts se gethan/weder gros noch klein.  
Vnd ist in Summa zu finden nichet/  
Von der zeit da sic ist komen ans Lieche.  
Die kleinste vermutung/das an jr/  
Zu taddeln was wer / des nicht wir  
Allein sein zeugen/sondern in gemein/  
Alle die vnsers Volks sein.  
Lasset das gelten lieben Herrn/  
Vnd schützet sie bey iren ehren.  
Schet auch ijt an jr züchtig geberd/  
Ir augen sie nicht hebt von der Erd.

Achab.

Du heilloser klaffer/ was weschtu viel/  
Vnd treibest hic dein Affenspiel.

D iii

Ea.

Es gilt hic nicht dein vnnütz gewesch/  
Dein heuchelen vnd zungen gedresch.  
Vnd weil du die Sach beweifst nicht/  
Mit zeugnis gewis / wie im gericht.  
Von noten ist / so haben wir  
Gewonnen Sach / nach onserm begir.  
Der vnzüchtig Sach sich stellet sein/  
Leut zu betriegen mit jrem schein.  
Solchs aber alhic gar nichts gilt/  
Auff das man nu sehe das schöne bild.  
Mit seiner vnuerschampten stürn/  
Vnd hinfurt niemand möcht verfurn.  
Zihen wir je den schleier ab/  
Wer schad / das sie in nem ins grab.

### Hechias.

O lieben Herrn ich flag gewalt/  
Die mein kind leidet manchfalt.  
Ihr sehet das eitel mutwillen ist/  
An diesen Menschen / vol Teufels list.  
Wer des gerichts wil brauchen recht/  
Der mus sein Sach erzelen schlechte.  
On allen freuel / hass vnd grun/  
Vnd warten auff des Richters stim.  
Sich an dem Urteil genügen lan/  
Vnd nichts über das sich massen an.

Wie

Wie diese freche mutwillige Leut/  
Die nicht aus lieb der gerechtigkeit.  
Diesen tedig furgenomen han/  
Sondern jr mütlin zu külen dran.  
So sie sehen onschuldig blut/  
Vergiessen nach jrem Zeufflischen mut.

### Ioakim.

Lieben Herrn bedencket die Sach/  
Damit es euch nicht rewe dariaach.  
Forschet nach eines jeden leben/  
Das wird euch ein richtig Urteil geben.  
Von meinem Weib hat niemand gehört/  
Etwas der straff vnd verdannis wert.  
Diese / so wirs bekennen wollen/  
Begehn viel dings / das sie nicht solln.  
Viel sind bisher von in im gericht  
Unterdrückt / das zeigen diese geschicht.  
Darzu sie teglich in jrem Haus/  
Leben ganz schendlich vnd im saus.  
Mit iren weibern in stettem zanck/  
Wenn sie sie ansehen / so werden sie frank.  
Nu stellen sie auch jr schalekeit vnd list/  
Auff onser weiber / wie am tag ist.  
Solches / bit ich / jr Herrn bedencket/  
Das in jr freuel / nicht werd geschenkt.

D v Susanna

## Susanna.

Ach lieben Herrn vnd Richter mein/  
Zürnet nicht / das ich auch red darein.  
Wiewol ich des hab ein grosse schew/  
Die not mich dringet mancherley.  
Was sie wollen bringen auff mich/  
Damit han sie beslecket sich.  
Vnd vnuersehns auff mich gedrungen/  
Süss vnd sawer mir gesungen.  
Das ich in ir lust willigen solt/  
Da ich solchs aber nicht thuen wolte.  
Vnd ließ zum Haus mit grossem geschrey/  
Also von in bin worden frey.  
Das sie nicht erfülten ire brunst/  
Haben sie erdacht diese kunst.  
Ir schand zu decken mit diesem Gericht/  
Vnd mich zu zeien / das ich nicht.  
Mein lebttag in sinn genomen hab/  
Damit sie der schande komen ab.  
Gott weis das ich die warheit sag/  
Anders ich auch nicht reden mag.  
Auff ire gewissen ich appellier/  
Das es mus zeugnis geben mir.

## Achab.

Herr Richter / die sach verzeucht sich fast/  
Wir bitten / das ir das Urteil gehn los.

Nach

Nach flag vnd antwort / denn diese Leut/  
Nicht würden auff hören zu klaffen heut.  
Damit das Gericht verzogen würd/

## Prætor.

Wir haben noch nichts vbrigtes gehört/  
Denn man mus sich hie nicht beschweren/  
Viel zu erforschen vnd zu hören.  
Vnd daneben gedenken viel mehr/  
Noch gleichwohl es ons an kompt schwer.  
Das wir das Urteil treffen recht/  
Vnd das / was krum ist / machen schlecht.  
Zret aus / das wir mügen diese Sach  
Bewegen / vnd euch berichten darnach.

## Actus tertij, Scena II.

### Iudicium deliberatio.

PRÆ. Ir Herrn / de handel ir habe verhört/  
Vnd das der Kleger part recht begert.  
Gott geb das wir es treffen recht/  
Der handel nicht ist gering noch schlecht.  
Sagt nacheinander / was euch gut  
Dünket / aus vnerschrock nem mut.  
Ich auch zu lezt wil zeigen an/  
Was ich bey mir bedenken kan/

Assessor

### Assessor primus.

Ich wolt / man künd die Sach auff schieben/  
Auff das sie noch bas würde getrieben.  
In des viel mehr möcht an den tag/  
Komen/draus man mehr spüren mag.  
Darnach man sich bas zu richten het/  
Ehe man das Urteil aussprechen thet.  
Fürwar fürwar ich sorge sehr/  
Dem Weib geschehe solche vnehr.  
On all jr schuld/vnd gar vmb sonst/  
Aus hasd / aus neid vnd grosser vngunst.  
An jr sieht man kein böss geberd/  
Der Elfsten freuel mich hoch beschwert.

### Assessor secundus.

Diese meinung die were wol gut/  
Ist aber sic nicht gelten thut.  
Denn heut mus es zum ende komen/  
Wie denn geschicht mit unserm fromen.  
Damit wir unsere heubter nicht/  
Weiter brechen mit diesem gericht.  
Vnd ist die Sach nicht alzu kraus /  
Wir mügen leichtlich komen draus.  
Wenn wir die vmbständ vleissig wolln/  
Betrachten / wie die Richter solln.

Auff

Auff einer seit zweymenner sind/  
Welcher wort trawn viel herter bind.  
Denn eines weibs / dazu sie schwer/  
Ein therorn eid/vnd recht begern.  
Nach diesem grund wir haben nun/  
Uns gut zu richten in diesem thun.  
Denn weil das weib wird überzeugt/  
Billich das Recht wird zugeneigt.  
Dem der die sterkst beweisung hat/  
Dieser ist mein einfältiger rat.  
Doch wer was bessers raten wird/  
Dem selben mir zu weichen gebürt.

### Assessor tertius.

Mit dieser meinung ich es halt/  
Vnd find bey mir kein besser gestalt.  
Wir müssen ja richen/ wie wir hörn/  
Vnd uns nicht sonst an ander ding fern.  
Wo gleich dem weib unrecht geschicht/  
Da fur han wir zu antworten nicht.  
Sondern die kleger / so sie nicht recht/  
Die Sach fürbracht han/ sondern unrecht.

### Assessor quartus

Mir ist wol frewlich vnd herzlich leid/  
Nicht allein vmb das arme weib/

Sondern

Sondern auch vmb das ehelich geschlecht/  
Welchs ehre ixt wird hoch geschwechte.  
Doch kunnen wir dawider nicht/  
Kein gunst noch vngunst gilt im gericht.

Alsessor primus.  
Weil wir aber nu gemeldet han/  
Was vns gut dünkt/ so zeiget an.  
Herr Richter/ was auch euch fur gut/  
In dieser Sach ansehen thut.

Prætor.

Die erste meinung ich wolt sehr gern/  
Loben vnd annehmen/ lieben Herrn.  
Das man die Sach anstehen lies/  
Bis man jr würde ganz gewis.  
Aus vernauung/ die sich begeben/  
Gar mancherley in diesem leben.  
Aber das gericht ist schon im schwang/  
Wir müssen jm lassen seinen gang.  
Vnd weil die kleger sind bas staffiert/  
Billich das Recht in zugeteilet wird.  
Das Weib dagegen sol von der Erden/  
Durchs Gesetz vrtiel hingericht werden.

Alsessor primus.

Weil jr denn all stümp über ein/  
So mus auch nachgeben die meinung mein.

Gott

Gott' geb mir das wir nicht schlafen feil/  
Mir ist darbey sehr lang die weil

Prætor.

Las man die Leute treten herein/  
Das sie des Rechtspruchs gewertig sein.  
Ich weis nicht/ wies doch immer zu geht/  
Mir ist/ als wenn mir durchs herze thet.  
Dringen ein schwert/ so offt ich sol/  
Ein hals vrtiel fellen/ wenn ich gleich wol.  
In einer Sachen berichtet bin/  
Nach der ordnung von anbegin.  
Doch ist mir jzund sonderlich schwer/  
Bey diesem handel. Alses. I. Ach lieber Herr.  
Ich wolt auch etwas sagen daruon/  
Aber die teidigs Leut komen schon.

Actus tertij. Scena III.

Prætor. Achab. Sedechias.

Scriba. Susanna.

**A**lmächtiger Gott du hast gegeben/  
Den Menschen hie in diesem leben.  
Gewalt zu halten das gericht/  
Damit über hand neme nicht

Das

Das vbel/sondern erhalten werd/  
So was noch guts ist auff Erd.  
Zu solchem wir uns erkennen zu schwach/  
Oftt allzu lind/ oft allzu gach.  
Oftt feilet es uns an verstand/  
Das etwas uns bleibet unbekand.  
Darumb wir bitten demütiglich/  
Du wolst über uns erbarmen dich.  
Verleihe/ das wir es treffen recht/  
Wir sind nur dein unwürdige knecht.  
Und thus zu ehren deinem namen/  
Sagt all mit mir amen. IUDICES Amen.  
Prætor. Ir die ir den tedig habt gemacht/  
Die flag wider Susannam furgebracht.  
Steht ir noch alles zu/was ir/  
Geklagt habt diesen Herrn vnd mir?

Achab.

Herr Richter ich bleib beständig darbey/

Sedechias.

Das zu bekennen ich hab kein schew.

Prætor.

Bekennen ir solchs bey ewerm eid/

Achab.

Ia Herr! nach unserm vorigen bescheid.

Prætor.

Herr Stadtschreiber sprechst jn die form fur/  
Weil

Weil sie zu eiden treibt ir begir.  
Ir beide sprechst jm mit lauter stim/  
Alle wort nach auff ewern knien.  
Und hebt ewerzungen vnd finger empor/  
So lang er euch wird sprechen vor/

Scriba.

Gott unsers vaters Abraham

Actores.

Gott unsers vaters Abraham

Scriba.

Wir schweren ein Eid bey deinem Nam

Actores.

Wir schweren ein Eid bey deinem Nam

Scriba.

Das wir Susannam gesehen han/

Actores.

Das wir Susannam gesehen han/

Scriba.

Ia begriffen bey eim frembden Man

Actores.

Ia begriffen bey eim frembden Man

Scriba.

Und wo wir vnrecht sie beklagen

Actores.

Und wo wir vnrecht sie beklagen

Scriba

**Scriba.**

So sol vns Gott darmider schlagen  
Actores.

So sol vns Gott darmiderschlagen  
**Scriba.**

Vnd der vniwarheit entgelten lan  
Actores.

Vnd der vniwarheit entgelten lan  
**Scriba.**

Zu schanden machen fur jederman  
Actores.

Zu schanden machen fur jederman  
**Scriba.**

Wie er im Gesetz gedrewet hat  
Actores.

Wie er im Gesetz gedrewet hat  
**Scriba.**

Vns zu verdammen on alle gnad  
Actores.

Vns zu verdammen on alle gnad  
**Scriba.**

Zu schrecklichem beyspiel jederman  
Actores.

Zu schrecklichem beyspiel jederman  
**Scriba.**

**Scriba.**

Die Gottes nam felschlich zihen an  
Actores.

Die Gottes nam felschlich zihen an  
**Scriba.**

Amen amen das sol geschehn  
Actores.

Amen amen das sol geschehn  
**Scriba.**

Nach vnserm verdienst sols vns ergehn  
Actores.

Nach vnserm verdienst sols vns ergehn.

**Prætor.**

Susanna du hast gehöre den eid/  
Was gibstu vns drauff fur bescheid,

**Susanna.**

Was solich arme sagen darzu?  
Ich merck / es ist geschehen nu.  
Wenn ich gleich sollte tausent eid/  
Zu schützen meine frömingkeit/  
Dar gegen thun so hilfft es nicht/  
Denn ein Man mehr gilt im gericht.

E ij Denn

Denn viel Weiber / vnd wider mich/  
Zween menner stehn gewaltiglich.  
Ich kan nicht mehr / denn das ich mich Gott/  
Befehle in dieser grossen not.  
Darnach / lieben Herrn / in ewer huld /  
Denn ob gleich mit warheit diese schuld.  
Gebracht wird auff mich armes Weib /  
Dennoch jr Richter mechtig seid.  
Das scharffe recht zu faren lan /  
Vnd das mir wärde gnad gethan.

Achab.

Mit nicht / mit nicht / es sol geschehn /  
Nach deim verdienst es sol dir gehn.

Susanna.

Vnd euch dergleichen jr fleger mein /  
Denn ich wil ewer Prophetin sein.  
Der vnschuld mein ich geniessen werd /  
Ewr schuld euch drucken wird zur erd.

Prætor.

Nach dem nu Susanna selbs bekent /  
Das wir in unserm Regiment.  
Viel mehr zu gleuben schuldig sein /  
Zweien mennern / denn jr allein.  
So sprechen wir das vrteil aus /  
Vnd kan nicht anders werden draus.

Denn

Denn das sie hinaus gefüret werd /  
Mit steinen getilget von der erd.  
Wie Gott durch Mosen geboten hat /  
Zu reumen solch vbel aus der Stad.  
Solch Vrteil von mir ist gesprochen /  
Vnd darüber auch der stecken zubrochen.  
Zum zeichen / das es so bleiben sol /  
Du diener bald den Züchtiger hol.  
Das er Susannam in sein gewalt  
Neme / vnd s Vrteil volsire bald.  
Ir andern sie in des bewart /  
Bis herzu kompt der meister hart.

Susanna.

Ich bit euch Herrn / demütiglich  
Ihr wollt mir vergünnen / das ich mich  
Mit meiner Freundschaft gesegnen mag /  
Auff diesen meinen letzten tag.  
Darnach in Gottes hand mein leben /  
Befehlen mag vnd übergeben.

Prætor.

Das sol dir ungewehret sein /  
Von mir / vnd diesen Herrn mein.

Actus quarti. Scena I.  
E. iiiij Carnifex

Carnifex. Susanna. Joakim.

Benjamin. Rachel. Helchias.

**S**Erzeihe mir liebes frewelein/

**G**ib her die zarten hende dein.

**S**ie haben das ire schon gethan/  
Anders es ikund nicht sein kan.

### Susanna.

Magst thun / was dir befohlen ist/  
Gott dennoch meiner not nicht vergist.  
**D** Gott du schepffer Himmels vnd Erd/  
Mein einiger Trost vnd helffer werd.  
Dir sind all ding allein bekand/  
Dein augen sehen auff alle Land.  
Lang zuvor / ehe denn etwas geschicht/  
Ist es schon fur deim angesicht.  
Du kennest aller Menschen sinn/  
Und weisest das ich unschuldig bin.  
Und das die widersacher mich/  
Verklaget haben felschiglich.  
Da ich nicht wolte iren willen/  
Wider dem heiligs Gesetz erfüllen.  
Doch ist mir lieber dieser tod/  
Denn dein schrecklicher zorn O mein Gott.

Für

Für dir wird mirs kein schaden bringen/  
Sondern mein feinden obel gelingen.

Denn dein Wort je nicht feulen kan/  
Seiner werck mus ein jederman.

Gniessen oder entgelten bey dir/  
Darzu kansstu noch helffen mir.  
Aus dieser not / darin ich bin/  
Das ich nicht werd gerichtet hin.

Wie nicht sehr lang die tapffern knaben/  
Die dich furm König bekand haben.  
Im glienden Ofen erhalten sein/  
Das sie nicht verlorne in herelein.  
Willstus denn han / du lieber Gott/  
Das ich leid diesen schendlichen tod.  
So geschehe der wille dein/  
Und beware mir die Seele mein.  
Das ich im rechten Glauben mag/  
Beschliessen vnd enden mein letzten tag.  
Ich weis / das du mich hast erhört/  
Und wirfst thun / was mein herz begert,

### Joakim.

Mein herz möcht springen in tausent stück/  
In solchem grossen onglück.  
**H**err Gott sihe an mein herzenleid/  
Denn hin ist schon all meine freud.

E iiiij Susanna

## Susanna.

Nu wil ich euch mein geliebster Herr  
Gesegnet han/weil ich nicht mehr  
Vmb euch kan sein/habt immer dank/  
Das jr mir habt mein lebenlang.  
Erzeiget alle trew vndehr/  
Ich het nicht kunnen wundschene mehr.  
Das wird euch der allmechtig Gott/  
Reichlich vergelten in ewer not.  
Wiewol ich mich aber mit allem vleis/  
Furgeschen hab/auff keine weis.  
Euch zu erzurnen/doch so was  
Geschehen ist/so bit ich das.  
Ir mir das selb von Gottes wegen/  
Verzeien wollet vnd vergeben.  
Hie mit ich euch in Gottes schutz/  
Befehle wider alter Feinde truz.

## Joakim.

Ach ach du trewster Gselle mein/  
Wolt Gott ich wer vntern henden dein  
Gestorben lang/vnd nicht erlebt/  
Was dieses mal sich mit dir hebt.  
Nicht wunder wers das mir fur leid/  
Die Seele fure aus meinem leib.

Gott

Gott wolle mir gedult verleien/  
Vnd erhoren unsrer beider schreien.

## Susanna.

Er wird es ja thun mir zuciuelt nicht/  
Denn wunderlich sind seine gericht.  
Hört/was ich euch sag O mein kinderlein/  
Vergesset nicht der Lere mein.  
Betrübet ewern Vater nicht/  
Den sonst gnug herzleid ansicht.  
Mit ewerm gehorsam in erfreut/  
So wirds euch wol gehn alle zeit.

## Ben Jamin.

Ach jr herz liebste Mutter mein  
Wo wolt jr hin/lasset mich sein  
Bey euch/denn ich wolt je nicht gern/  
Mein herze mutter von euch sein fern.

## Susanna.

Mein lieber Son/es kan nicht sein/  
Gar zu weit ist die reise mein.  
Der Vater daheim viel Zucker hat/  
Mit ihm gehe du als bald von stat.  
Vnd du mein liebes Tochterlein/  
Folge dem fromen Vater dein.  
Erzürne in nicht/das sage ich dir/  
Vnd wie du teglich hast mit mir.

E v

Abends

Abends vnd morgens die Götlich ler/  
Gesprochen sampt meinem Sönlín heer.  
So treib es fort, vnd ruff Gott an/  
Des wird er dich geniesseen lan.

Rachel.

Ach herze Mutter/wenn das Gott wolt/  
Das jr mit ons noch lenger solt.  
Bleiben/vnd ewer kinderlein/  
Sihen/vnd unterrichten seim.  
Nichts liebers het ich auff dieser Erd/

Susanna.

Was euch durch mich nicht ist beschert.  
Das wird der Vater an meiner stat/  
Üben mit euch nach seinem rat.

Rachel.

Ach weh mir armen Megdelein/  
Nu werd ich beraubt der Mutter mein.  
Ach himlischer Vater erbarme dich/  
Erhör unsrer bit gnediglich.

Susanna.

Betrüb mein herz nicht liebes Kind/  
Las dein klagen/bey Gott man find  
All hülff vnd trost/den rufse an/  
Kein fromes herz er lassen kan.

Zu

Zu lebt ich euch liebster Vater mein/  
(Denn ewre wolthaten sind nicht klein)  
Dancke in summa/denn die zeit/  
Viel wort zu brauchen es nicht leid.  
Mein wille zwar ist nie gewesen  
Euch zu betrüben mit meinem wesen.  
Doch so sich was solchs hei begeben/  
So wollet mir das selb vergeben.  
Gott wird euch nicht entgelten lan  
Dieser schand/denn er nicht leiden kan/  
Wenn die unschuldigen leiden gwalt/  
Die rach die wird drauff folgen bald.

Helchias.

Ich kan/mein Tochter/mit dir nicht viel  
Reden/die zeit es nicht leiden wil.  
Ich wil dir/ob Gott wil/folgen bald/  
Zur leichen bin ich on das gnug ale.  
So wird mich auch mein herzenleid  
Hin richthen/das ich jkund leid.  
Ach Gott/wie hart angrefftstu mich/  
Tröste mich wider gnediglich.

Catinex.

Grewlin/ich hab nu gnug gewart/  
Macht euch nu mit mir auff die fart.

Susanna

## Susanna.

Gott gesegne euch alle Frome leut/  
Welchen mein vnglück ist herzlich leid.  
Gott wird ewer reicher beloner sein/  
Ich wünsch auch nichts böses den feinden  
Gott gebe in ein ander herz/ (mein)  
Das sie sich bekeren one scherz.  
Nu hilff mir Gott in dieser fart/  
Zu leiden den Tod vnd marter hart.  
Nach deinem willen / vnd lasse nicht/  
Gewalt dem Hellischen böswicht.  
Über mein Seel/ sondern hilff jr/  
Zu komen in die rhu zu dir.

Actus quarti. Scena II.

Daniel. Achab.

Sedechias. Susanna.

**A**ch schreie fur Gott vnd meniglich/  
Das ich in dem aus schliese mich.  
Und willige nicht in das gericht/  
Denn dieser frawn vrrecht geschicht.  
Gott wird es rechen das werd jr sehn/  
Wo dieses Vrteil fort wird gehn.

Achab.

## Achab.

Was schreistu du Bub/vnd bist so kün/  
Grech/ stolz/das du dir nimyst in sinn.  
Zu weren dem ganzen Regiment/  
Das durch dich wird geschwecht vñ geschend.  
Und nimyst dich an der Ehebrecherin/  
Schaw das du nicht mit sampt jr hin.  
Zu gleicher straff gefüret wirst/  
Wilstu sein vnser Herr vnd Fürst.  
Sedech. Du loser lecker wie tharstu allein/  
Dich widersehen der ganzen Gemein?

## Daniel.

Ir solt es kürzlich werden in/  
Warumb ich so mutig jzund bin.  
Ich wil euch bald ein Liedlin singen/  
Das wird euch nicht fast wol gelingen.  
Halt still jr Diener/ vnd eilet nicht/  
Es wird bald werden ein ander gericht.  
Damit nicht werd vnschuldig blut/  
Vergossen zu reiken Gottes ruet.  
Ich wil den Herrn bessern bescheid/  
Sagen zu oben die gerechtigkeit.

## Susanna.

O Gott du treuer Vater mein/  
Siehe an mit gnaden die Dirne dein.

Dre<sup>e</sup>

Diese hülff kompt gewis von dir/  
Aus dieser not zu helffen mir.  
Du hast den fromen Jüngling erweckt/  
Das er dein Göttlich gericht entdeckt.  
Weil das menschlich gesirret hat/  
Erzeige mir weiter deine gnad.

Actus quarti. Scena III.

Daniel. Prætor.

Herr Richter ich bit erleubet mir/  
Was mir anligt zu bringen fur.  
Die sach ist gros vnd betrifft euch/  
Darzu die ganze gemein zugleich.

Prætor.

Wir sind beid jung vnd alt verpflicht/  
Das wir jr keinem weren nicht.  
Wer etwas hat zu bringen an/  
Darumb ich dirs auch nicht weren kan.

Daniel.

Ir habt ein falsches Urteil gesprochen/  
Das wird nicht bleiben ungerochen.  
So jr das selb nicht endern werd/  
Vnd euch an Gottesbotschaft fert.

Denn

Dennier hat mich zu euch gesand/  
Ein Richter vnd Herr vber alle Land.  
Zu bringen euch ein solchen bescheid/  
Zu retten das unschuldig Weib.

Prætor.

Schaw zu du Gesell/das du magst  
Beweisen/ was du uns anflagst.  
Nicht ist zu scherzen mit dem gericht/  
Wer es thut schmecken/des schont es nicht.

Daniel.

Herr Richter der sachen ich bin gewist/  
Wo nur ewer weisheit widerumb lies.  
Für euch gestellen heide parti/  
Welche auff mein bscheid darauff wart.

Prætor.

Gehe hin du Diener/vnd bring sie zurück/  
Es sol sich wol wenden mit in das glück.  
Du aber soll hie an unser stat/  
Weil dich Gott her verordnet hat/  
Richten die Sach/vnd zeigen an/  
Waran wir unrechte haben gethan.  
Wir sind ja überzeuget gnug/  
Das wir nicht anders hattenfig.

Das

Das vrtel zu sprechen/ weil dus dann  
Besser verstehst/ so greiff es an.

Daniel.

Ir lieben Herrn wollet mires nicht  
Verargen/ was durch mich ist geschicht.  
Der kleger person habt jr geacht/  
Das selbig hat euch irr gemacht.  
Das jr nicht habt mit grosserm vleis/  
Geforschet wie vnd auff welche weis.  
Begangen sey ein solche that/  
Es hat euch in summa gebrochen rat.  
Nicht ist zu scherzen mit Menschen leben/  
Das wir nicht kunnen wider geben.  
Vnd Gott der HErr das vnschuldig blut/  
Allezeit ernstlich rechen thut.

Actus quarti. Scena III.

Carnifex. Prætor.

Achab. Daniel.

Herr Richter ist das ewer befehl/  
Das ich das Weib wider fur euch stell.

Prætor.

Es ist also/ los jr die hend/  
Das die Sach werd auffs new erkend.

Denn

Denn weil die sach ist vnerkant/  
Soll dig sein eins jeden hande zihun daile  
Ir kleger werd müssen rechnung geben/  
Ewers gezeugnis/ merckt drauff gar eben.

Achab.

Was sol aber das sein / lieben Herrn/  
Wird solchs reichen zu ewern ehn?  
Das jr selbs straffet ewer Gericht/  
Welchs jr von andern solt leiden nicht.  
Wolt jr euch diesen lecker lan/  
Regiern / ders maul nicht wischen kan.  
Was wird doch ein solch regument/  
In die leng nemen fur ein end.  
Habt jr geirret in ewern Gericht/  
So sol es von eim höhern werden geschlicht..  
Ir aber ein Kind euch meistern last/

Prætor.

Lieber herr Achab nicht pochet fast.  
Wir gehorchen nicht einem Kind/  
So tol vnd töricht wir nicht sind.  
Es ist des ewigen Gottes werck/  
Billich wir fürchten seine sterck.  
Werd jr euch kunnen machen recht/  
So bleibt ewer Sach fort schlecht.

F Susanna

Susanna aber in vorigem stand/  
Gleich wie sie vorhin zum tod verdampf.  
Ihr mügt euch ja genügen lan/  
So euch nicht vrrecht wird gethan.

### Daniel.

Herr Richter/erstlich ist mein rat/  
Auff das uns werd bekand die that.  
Den einen heisset trethen hinaus/  
So wollen wir bald komen draus.  
Denn Gott wird gewis das bös an tag  
Bringen/gar leicht er solchs vermag.  
Das heimlich ding werd offenbar/  
Das man die lügen nicht halt fur war.  
Vnd der unschuldig errettet werd/  
Wie man durch alle zeit erfert.

### Actus quarti. Scena V.

Prætor. Daniel. Susanna.

Achab. Sedechia.

**G** Err Sedechia trettet hin aus/  
**H**err Achab macht sich allzu frans.  
Vnd

Vnd hat gar ein falten magen/  
Darumb wollen wir jn am ersten fragen.  
Ihr diener lasst euch befohlen sein/  
Sedechia wider zu gestellen herein.  
Daniel/thue nu wie du weist/  
Vernim/wie er sein Sach beweist.

### Daniel.

Ist triffe euch ewer missethat/  
Die jr nu lang begangen habt.  
Manch Fromes mensch jr habt verdampf/  
Vnd manchen schalck fur from erkand.  
Also das Urteil gar verkert/  
Wer euch fluchs schmert/der selb wol fert.  
Der andern laster ich schweigen wil/  
Die jr geirrieben habt one ziel.  
Gott kund nicht lenger sehen zu/  
Sein zorn müst jr erfahren nu.  
Weil yrs zu gar grob habt gemacht/  
Ein fromes Weib schier umbs leben brachte.  
Schendlich versirt die überkeit/  
Weit ewer lügen vnd unwarheit.  
Aber also es alle zeit geht/  
Damit der Gottlos sein lon empfah.  
Denn wenn die straff verhanden ist/  
Der Gottlos denn sein selbs vergift.

Fij Vnd

Und sehet etwan ein vnglück an/  
Das er mus haben den tod daran.  
Nu sage mir du alter Greis/  
Dein har sind wol graw vnd weis.  
Aber dein herz vol schalckheit ist.  
Bis oben an vol arger list.  
Wo meinstu das du geschen hast/  
Die fraw Susanna mit jrem Gast?  
Was ist es für ein Baum gewesen/  
Darunter sie han gehabt je wesen?  
Was bedenkstu dich aller erst?  
Wenn du der sachen gewis werst.  
So wer dir solchs gar leicht zu sagen/  
Wenn dich gleich niemand thete fragen.

### Achab.

Ein Linde wars / darunter sie hat/  
Vegargen jre böse that.

### Daniel.

Das linde holz gnug hart dir sol  
Werden/der du bist schalckheit vol.  
Dein eigen zeugnis sol dich sellen/  
Von hinnen bis hinab zur hellen.  
Dein grossesünde dich drucken schon.  
Das du empfahest dafür dein lon.

Herr

Herr Richter last jn schon in sein ort/  
Das man jn thue nach seinem Wort.  
Sein gsellen sol man bringen her/  
Wird vns auch sagen seltz ame mehr.  
Was gilt es/ er wird wissen kaum/  
Von seines gesellen linden Baum.  
Ein heiter Holz für sie gehört/  
Damit man sie höbelt vnd mores lert.

### Praetor.

Knecht/für jn in die gwar sam dein/  
Bis wir beicht hören den gsellen sein.  
On zweuel wird er jn folgen bald/  
Wie noch die Sach hat ein gestalt.  
Mich dünkt/pas herz ist jn fast schwer/  
Daniel nu jn auch verhör.

### Daniel.

Sag an/du fromer Man/ on schew/  
Unter was Baum gewesen sey.  
Susanna vnd der jung Gsell/  
Lieber meiner dich munter stellt.  
Wie wird dir so obel immermehr?  
Ein wort es nur gilt vnd nicht mehr.  
Wirsts schier er für gekauen han/  
Niemand deins worts erwarten kan.

f in Sedechias

### Sedechias.

Ein Eiche wars/da wir sie sahen/  
Zu irem buulen freundlich nahen.

### Daniel.

Orecht/ o recht du heilloser man/  
Dein missethat kompt schon auff den plan.  
Ein rechtes holz hastu genent/  
Des asch ist dir gesund vngebrend.  
Er werde auch beyseid gethan/  
Bis man die Sach wird beratschlagt han.  
Frau Susanna du bist wol frey/  
Doch musst dich bald finden herbey.  
Wenn man das Urteil halten wird/  
Uber dein kleger / wie jn geburt.

### Susanna.

Ersilich dank ich dem allmechtigen Gott/  
Der mich gefreiet aus todes not.  
Darnach dir Daniel seinem knecht/  
Das du mir hast geholffen recht.  
Du leist euch Herrn allzumal/  
Weil jr mein freythum billigt all.  
Gnug werd ich nachmals zu danken han/  
Sampt meinem lieben Herrn vnd man.  
Gott dem HErrn/ der heute mich/  
Errettet hat so wunderlich.

Ich

Ich schweig des lieben Vaters mein/  
Sampt meinen geliebsten kinderlein.  
O Gott/ die deinen du nimmer verleß/  
Wer nur auff dich thut bawen fest.

### Actus quinti. Scena I.

Daniel. Prætor. Iudices.

**D**u seht/siebē herrn/vnd merckt wie weit  
Vom rechten Weg jr gewichen seid.  
**D**u nd wo Gott nicht hei sonderlich/  
Uber das Volk erbarmet sich.  
Vnd selbs das vnschuldig blut erret/  
Gros vnglück jr zu gerichtet het.  
Euch selbs vnd vns allen zugleich/  
Sonderlich in frembdem Königreich.  
Da nu beschlossen ist etlich mal/  
Das man vns Jüden all zumal.  
Erwürgen solt/ das nicht ein man/  
Solt überbleiben/ drumb seid dram  
Ir Herrn/das jr mit Gottes recht/  
Nicht vmbgeht also vñachtsam vnd schlecht.  
Sondern mit allem ernst betracht/  
Vnd tag vnd nacht drauff seid bedacht.  
Das jedermanrecht widerfar/  
Dis sol ewer vleis sein immerdar.

F iij Prætor

Prætor.

Gott wölle vns zurechnen nicht/  
Die torheit/ dar zu die Vösewicht.  
Mit jrer list vns han gebracht/  
Es sol forthin bas werden gewacht.  
Damit der gleichen geschehe nicht/  
Das wir nicht fallen in Gottes gericht.

Daniel.

Lass nu furbringen die tedigs leut/  
In des wir wollen solcher zeit.  
Gebrauchen / das wir vns besfragen/  
Ein jeder thue sein meinung sagen.

Prætor.

Was wollen wir vns nemen fur/  
Gott hat solch gericht befohlen dir.  
Darumb kanstu dich in die Sach/  
Besser schicken/wir aber darnach.  
Was du fur recht wirst sehen an/  
Vns gerne wollen genügen lan.  
Denn du hierin kanst irren nicht/  
Bey dir ist Gottes geist vnd Liecht.

Daniel.

Ir wisset ja/wenn man sucht rat/  
Wie man sol straffen ein Ubelthat.

Das

Das man die selbe vleissig vnd wol/  
Bewegen vnd betrachten sol.  
Auff das man die straffe vnd die sünd/  
Dest leichter vergleichen künd.  
Nu kompt in dieser missehat/  
Zu samien manche gewliche that.  
Felschung des gerichts/ vnd falscher Eid/  
Für dem sich fürcht auch ein fromer Heid.  
Darumb sic auch Gottslesterer sind/  
So haben sie mit practiken geschwind/  
Ein fromes Weib gebracht in schand/  
Vnd todes fahr/ wie euch ist bekand.  
Darumb sic nicht schlecht verdienet han/  
Den tod/ wie man andern leget an.  
Sondern ein sonderliche pein/  
Vnd nicht drumb das sie die Efesten sein.  
Dest linder mit jnen gehn vmb/  
Sondern man sol sie / eben darumb.  
Mit herterer straffe greissen an/  
Das sich dran stosse jederman.  
Vnd dencke/ so man der nicht verschont/  
Viel mehr wird vns so werden gelont.  
Ein Exempel ich auch wil zeigen an/  
Nicht wenig ist gelegen dran.  
Ein Richter ein falsches Urteil hat/  
Gefellt/nicht fern in einer stad.

F v Da

Da solchs der König ist worden in/  
Vnd wol betracht in seinem sinn.  
Hat er den Richter schinden lan/  
Vnd die haut vmb sein Stuel gethan.  
Darnach drecin gesetz seinen Son/  
Gesagt/ wilstu nicht solchen lon.  
Empfahen wie der Vater/ so schwaw/  
Vnd halte ower dem Gesetz gnaw.  
Denn solche straff der hohen Leut/  
Stellet Gott fur zu jeder zeit.  
Das sich der haussen deste mehr/  
An solche merckliche Exempel ker.  
Doch mügt jr Herrn in diesem fall/  
Nach vnserm Gesetz auff dis mal.  
Euch richten/denn Moses also sagt/  
Wer fur der überkeit jemand verklagte.  
Vnd wird erfunden/das er gewalt  
Seim Nächsten gethan/so sol er bald.  
Das selbig leiden/wes er sich hat/  
Unterstanden aus bösem rat.  
Zu bringen auff den Nächsten sein/  
Auff das er leide gleiche pein.  
Nu ist gar leicht zu schließen draus/  
Das man diese sol fürren aus.  
Vnd mit Steinen werffen zu tod/  
Auff das sie gar in gleicher not.

Vmb

Vmb jre vbertrittung komen vmb/  
Darin vor war die Susanna from.  
Dis ist mein meining/ was jr darzu  
Zu sagen habt/ das mügt jr nu.  
Ein jeder für sich zeigen an.

Prætor.

Ich hab gar feinen mangel dran.  
Denn Gott der Herr redt durch deine mund/  
Darumb dein Urteil hat guten grund.  
Ir Herrn sagt/ was düncet euch.

Assessor primus.

Mein meinung gar mit euch stimpt gleich/

Assessor secundus.  
Hetten wir vor also gericht/  
Sohetten wir gejret nicht.

Assessor tertius.

Wir mügen dancken dem ewigen Gott/  
Der uns geholffen hat aus not.  
Vnd unser narheit nicht lassen passiern/  
Da uns die Elisten teiten versüren.

Assessor quartus

Die Sach' ist schon so offenbar/  
Niemand jr widersprechen thar.

Prætor

Prætor.

So wirstu Daniel in aller nam/  
Den Sentenz öffentlich zeigen an.  
Frey sprechen das vnschuldige teil/  
Dem schuldigen aber sein straff zuteil.  
Es komen die Leut auch schon daher/  
Sie werden ein teil nicht lachen sehr.

Actus quinti. Scena II.

Daniel. Susanna.

Zoakim. Helchias.

Susanna dein geschrey ist komē fur Gott  
Der hat dich erret aus todes not.  
Vnd deine vnschuld an tag bracht/  
Dein widersacher zu schanden gemacht.  
Das sie gefallen sind in den graben/  
Welchen sie dir gegraben haben.  
Wie auch vnserm feind dem Haman geschach/  
Da er dem Mardocheo stellet nach.  
Vnd schon ein galgen gebawet het/  
An welchen er in hengen thet.  
Muoste er selber erwurgen dran/  
So wunderlich Gott es schicken kan.

Dar-

1013.

Darumb ich fur jedermaniglich/  
Von schuld vnd pein frey spreche dich.  
Das dir fur deine grosse vnehr/  
Begegne heut zehnfeltige ehr.  
Magst gehn zu haus mit deinem Herrn/  
Welchen du billich helst in ehrn.  
Dazu mit Helchia dem Vater dein/  
Der nu wird newgeboren sein.  
Dein finder vnd gesind wirstu erfreuen/  
Gott wolle dir solches lang verleien.

Susanna.

Ich weis es freilich sonst niemand  
Zu danken/ das ich aus hengers hand.  
Auff diesen tag bin worden frey/  
Denn meinem Gott/ dem selben sey  
Lob/preis vnd ehr zu aller zeit/  
Von nu an bis in ewigkeit.

Zoakim.

Ich weis nicht/ was ich reden sol/  
So ist mem herz der freuden vol..  
Das mir Gott heut mein bestes gut/  
Auff erden widerkeren thut.  
Denn gar nichis ist so thewor auff erd/  
Das ich hielte so kostlich vnd werd.

Dar-

Darumb ich mein liebsten Gesellen wolt  
Emperen/fahr hin all silber vnd Golt.  
Nu wird mir sie dest lieber sein/  
Das sie außs new ist worden mein.  
Vnd gleich wie aus dem tod erweckt/  
Darin sie schon genclich hat gesickt.  
Also Gott mit den Heiligen sein/  
Pfleget zu handeln/ jm sey allein  
Ehre vnd danc/ der stößt vns hinab/  
Bis in die Helle / vnd in das grab.  
Vnd widerumb auch füret heraus/  
Nu las vns ferien wider zu Haus.  
Unserer feind straff wir nicht begern  
Zu schen/viel mehr vns des beschwern.  
Künnen aber davider nicht/  
Durch Gottes ordnung es geschicht.

### Helchias.

Du liebe Tochter/ ich bin sampt dir/  
Außs new geborn/ das gleube mir.  
Vorhin war mir der tod nicht fern/  
Nu dancke ich Gott meinem Herrn.  
Mein leben er mir nicht hat verkürzt/  
Dagegen aber die feind gestürzt.  
Ir Herren weil ir vns nu erleubt/  
(Denn ir seid unser aller heubt)

Das

Das wir nu macht haben heim zu gehn/  
Gott wolle euch bey in gnaden sthn.  
Das ir verweset ewer Ampt/  
Zu gut vnd fromen dem ganzen Land.  
Von uns sol anders nicht werden gespürt/  
Denn was ehrlichen Leuten wol gebürt.

### Actus quinti. Scena III.

Daniel. Achab.

**V**tret herzu ir fromen Leut/  
Vnd hört/was für einen bescheid.  
**V**Gott durch vns richterreich gebe wird/  
Weil ir das gericht habt schendlich versürt.  
Vnd Gott gelestert mit falschem Eid/  
Das Volk zu ergern weit vnd breit.  
Darnach Sussannam felschlich verklagt/  
Vnd so viel an euch ist/zum tode bracht.  
Endlich in sehr gesetzt/die ganze gemein/  
Welche het müssen gestraffet sein.  
Vmb ewert willen/ so wert ir wert/  
Das man euch mit so viel marter beschweri.  
So viel jr der schalckheit habt begangen/  
Gleichen lon dafür zu empfangen.  
Sonderlich weil ir solt ander Leut/  
Als verwässer der gerechtigkeit.

Vmb

Umb solcher that willen gestraffet han/  
Zu schew vnd schrecken jederman.  
Doch wollen wir euch thuen die gnad/  
Mit vnser aller gemeinem rat.  
Was jr habt wollen auff Susannam bringe/  
Das selbig euch sol auch gelingen.  
Wie Gott im Gesetz geboten hat/  
Greiff zu Meister vnd thue von stat.  
Was vnser sentens mit sich bringt/  
Eim jeden geschicht/ darnach er ringt.  
Die menschen sich wol düncken lan/  
Sie wollen betrügen jederman/  
Vnd Gott darzu im Himmel hoch/  
Weil sie gehen iher schalckheit noch.  
Zu lez aber kompt ein stündlein/  
Das nichts gespunned ist so klein.  
Es mus endlich an die Sonnen/  
Vnd für jedermans augen kommen.  
Solchs von anbegin so geschicht/  
Noch gleuben die schelcke solchs nicht.

### Achab.

Ich hab ja solches nie geglaubt/  
Drumb mus ich ißt dargeben mein heubt.

Actus quinti. Scena III.

Sacerdos

### Sacerdos. Achab. Sedeclias.

**L** Leben Herrn/ jr seht ewer not/  
**D** Das jr müßt leiden den bittern tod.  
Dem zu entgehn habt jr kein füg/  
Auff das dem Gesetz geschehe gnuig.  
Vnd ergernis werd abgethan/  
Zu schrecken beid Weib vnd Man.  
Nu sehet/ wie jr mit Gott seid dran/  
Der sich nicht kan gemügen lan.  
An zeitlicher straffe sondern wil/  
Sich rechen ewig vnd one ziel.  
An denen/ so sich nicht wollen bekern/  
Wie vns all vnser Propheten lern.

### Achab.

Wer bringt daher den heilosen Pfaffen/  
Mit seinem vnmüzen lösen klassen.

### Sedeclias.

Ich wolte das er zum Teufel wer/  
Wir fragen viel nach seiner ler.

### Sacerdos.

Nicht also/ Herrn/ bedenkt euch wol/  
Ich rede was ich reden sol.

G Lasset

Lasset mich reden bis zum end/  
Nicht mein/sondern Gottes wort jr schend.  
Dadurch jr viel grossere straffe werdt  
Verdienen/wo jr euch nicht bekert.

Achab.

So klasse hin/so lang dirs gefelt/  
Mein herz dauon gar w enig held.

Erdechias.

Ich aber halt gar nichts daruon/  
Die Pfaffen errichtens/das sie jrn lont/  
Mit faulen tagen mügen gewinnen/  
Vnd sich sein sanft erhalten kunnen.

Sacerdos.

Ich sehe wol vmb sonst wird sein mein Ler/  
Noch gleichwohl ich mich dran nicht ker.  
Denn Gott kan auch ein steinern herz/  
Erweichen/das es nicht held fur ein scherg.  
Was jn von Gott vnd seinem gerichte  
Gesaget wird/vnd wenns gleich nicht/  
Helfen solte/so werd ich das mein  
Haben gethan/das halt ich nicht klein.  
Das ich behalt ein gewissen gut/  
Vnd bin vnschuldig an jrem blut.  
Jr müsst am ersten das erkennen/  
Vnd fur Gott demütig bekennen.

Das

Das jr nicht habt verdient allein/  
Diese zeitliche Marter vnd pein.  
Die euch das weltlich Recht legt ans/  
Denn weiter es nicht greissen kan.  
Sondern zu leiden in ewigkeit/  
Für ewer ungerechtigkeit.  
Vnd gleichwohl drum verzweueln nicht/  
Denn Gott les fallen sein strenges gericht.  
So wir im von herzen bitten ab/  
Unser sünd/vnd appellieren zur gnad.  
Vnd wollen der selben gemessen allein/  
Zu entgehen der ewigen straff vnd pein.  
Der weltlichen Gewalt er nichts abbricht/  
Ja er wil/sie sol schonen nicht.  
Denn sie ist nicht drum eingesezt/  
Gnade zu oben/ sondern überm Gesetz.  
Strenge zu halten/das also werdt/  
Dem bösen gesetzwert vnd gewert.  
Vnd das also durch alle Land/  
Gottes zorn über die sünd werd erkand.  
Auff das wer da hat veracht die Ler/  
Der Eltern/Schulmeister/vnd Prediger.  
Zu lezt durch Richter vnd seine Knecht  
Vermanet werd/das er vorechte  
Gethan hat/vnd noch sich kere zu Gott/  
Der gleichwohl kan aus ewigem tod.

Si Die

Die Leut erretten/wenn sie sein gnad/  
Bey jnen lassen finden stadt.  
Das in die zeitliche pein nicht sol/  
Schaden an jrem Leben/das vol  
Ewiger Freuden vnd wonnen ist/  
Dabey man alles vnglucks vergist.  
Vnd solche oberschwengliche gnad/  
Der selv HELL erworben hat.  
Welcher sol komen von unserm Stam/  
Wie es verheissen ist Abraham.  
Auff das ir nu vber dis gericht/  
Auch in Gottes ewig Urteil nicht  
Faller/ so nempt an diese Ler/  
Welche von Gott ist komen her.

Achab.

Du loser Pfaff/hat Gott mit dir  
Geredt/ wie du gibst jzund fur?

Sedechias.

Du bist furwar ein hübscher man/  
Das dich Gott sonderlich spricht an.

Sacerdos.

Es hat ja Gott mit Mose geredt/  
Das selb er auch den Propheten thet.

Nu

Nu rede ich kein ander wort/  
Denn was sie von Gott haben gehort.  
Vnd in ire Bücher verfaßt/  
Darumb ir euch bekeren last.  
Wo ir nicht wollt nach diesem tod/  
Geraten auch in der Hellen not.

Achab.

Ja wenn jemand were widerkommen/  
Vnd was er dort hette vernomen.  
Vns lebendigen het gezeiget an/  
So gleubte ich/ es wer was dran.

Sacerdos.

Gott wil aber durch todie Prediger nicht/  
Sondern durch lebendige Leut sein liecht.  
In den zu hörern zünden an/  
Welche sich unterrichten lan.

Sedechias.

Vnd wenn gleich diesem also wer/  
Was du uns jzund sagst daher.  
So ist es doch mit uns verlorn/  
Wie kan Gott der Herr seinen zorn.  
Gegen uns jzund fallen lan/  
Die wir nie nichts gutes haben gethan.

G iij Sein

Stein Wort gehalten fur ein spot/  
Das da schrecket mit ewigem tod.  
Alle Menschen von wegen der sünd/  
Welch schrecken ich sünd erst empfind.  
Vnd sehe / es ist zu lang gehart/  
Wer auf das letzte stündlein wart.

Sacerdos.

So so lang das zeitliche leben wert/  
Istis zeit/das sich ein Mensch bekert.  
Vnd wer es thut / dem selben gnad  
Gott durch sein Wort verheissen hat.

Achab.

Du pfeiffest wol süs mein lieber Gsell/  
Wenn du aber werst in vnser stell.  
Du würdest viel andre gedancken han.

Seidehias.

Du magst uns wol zu frieden lan.  
Hie ist kein hoffnung noch ziuersicht/  
Zu bestehen fur Gottes gericht.  
So wir fur menschen nicht unschuldig sein/  
Wie wollen wir fur Gott sein rein.

Sacerdos.

Das ist ja nach dem Gseze recht/  
Gott aber hat gestelt ein'linder Recht.  
Durch

Durch die verheissung seiner Gnad/  
Im namen Messie/ den er hat.  
Gesetz zum versüner aller Welt/  
Wenn sich ein Mensch nur an den heile.  
Der kan nicht in seinen sünden sterben/  
Vnd in ewiger pein verderben.

Achab.

Ey lieber predig andern daruon/  
Mit uns ist es geschehen schon.  
Nach vnsern verdienst uns sol geschehn/  
Anders es uns nicht kan ergehn.

Sacerdos.

Weil ja bey euch nichts helffen thut/  
So sey auff ewern hals ewr blui.  
Ich hab gar keine schuld daran/  
Denn ich das meine hab gethan.

Actus quinti. Scena V.

Act ab. Carnifex.

**W**As verzeuchstu/meister/so lang/  
Denn uns ist aus der massen bang.  
Machs bald/das wir der Marter ab  
Komen/vnd je er je besser ins grab.

Das

Das wir nicht leiden lenger spot,

Carnifex.

Mein lieber Gsell/ es hat kein not.  
An mir sol es kein mangel han/  
Vald ich ein suplin geben kan.  
Das ein die Seel dariuon aus fehrt/  
Des Handwercks ich bin wol bewert.  
Geht flugs von stat/ so fette wiltpret/  
Ich gerne lengst gesangen het.  
Ich dünck mich auch trawn etwas sein/  
Wenn ich nicht straff die Bavern allein.  
Sondern auch grosse Hanssen mir/  
Folgen müssen/ wo hin ich sie fur.  
Mit iren schönen Kleidern ich prang/  
Die andern ich behalt nicht lang.  
Die kaum sind dreier pfennig werd/  
Ein besser heut ist mir jzt beschert  
Dazu ich euch nicht dank dafur/  
Denn ewer wil ists nicht/das mir.  
Solch ewer zierheit werden sol/  
Denn ewer herz ist grimmes vol.  
Vnd theret das viel lieber an mir/  
Was euch sol wider faren schier.  
Aber nach dem ich gar nichts frag/  
Ewer keiner mir mehr schaden mag.

Actus

Actus quinti Scena VI.

Preco.

**D**iese sind schon gesurt dahin  
Vnd werden empfahen iren gewin.  
Ein steinern Rock wird man jn an  
Legen/wie sie verdienet han.  
Nu höret zu je Erbarn Leut/  
Was solch gericht vnd straff bedeut.  
Man möcht die Übeltheter wol/  
Heimlich umbbringen allzumal.  
Was jr eigne Person gehet an.  
Aber Gott wil es also han/  
Das man sie straffe öffentlich/  
Damit an ihen stossen sich/  
Ein jeder Mensch/vnd hab ein schew/  
Für sünden/vnd nicht lasse frey/  
Seinem mutwillen scinen zaum /  
Den wer der schaltheit leßt ihen raum.  
Der denck nur nicht/ das er der straff/  
Entgehen wird/vnd das der Pfaff/  
Aus seinem Kopff im drewen thut/  
Das er an jn kül seinen mut.  
Wer Eltern vnd Lerern wil folgen nicht/  
Die da haben ein lindes' gericht.

G v Hawen

Harven nicht wunden/ schlagen nicht tod/  
Vermanen mit worten vnd warnen fur not.  
Rutten vnd stecken sie brauchen allein/  
Die selben jr grosten straffen sein.  
Wer in/sag ich/wil folgen nicht/  
Der felt darnach ins weltlich Gericht.  
Das scherzet nicht mit seinem schwert/  
Vnd ungehorsame Buben also lert.  
Das sie müssen on jren danck/  
Auffhören/ sie haben kurz oder lang.  
Getrieben ire bosheit auff Erd/  
Also jr lon in widersert.  
Über das hat Gott mancherley/  
Damit er strafft der Welt büberey.  
Zherwung/ Krieg vnd Pestilenz/  
Die spricht er aus durch sein sentenz.  
Darzu sonst sind plagen one zall/  
Von wegen der sünden allzumal.  
Wenn auch die selbigen sind verlorn/  
Das die Menschen nicht wolle Gottes zorn.  
Erkennen/vnd von sünden ablan/  
So müssen sie endlich den lon han.  
Das sie mit allen teufeln darnach/  
Müssen ins ewige wch vnd ach.  
Das sol man bedenken alle zeit/  
Denn es ist die bestendige warheit.

Damit

Damit wir diese Action/  
Beschliessen wolln/vnd auffhören schon.  
Geb Gott/sie sey geschehen mit mir/  
Vnd hab geschaffet etwas guts.


### Beschlus.

**W**eil vnser thun sich zimlich lang/  
Verzogen hat/wil ichs nicht lang  
Mache/sondern fürklich beschliessen/  
Auff das wir euch nicht lenger verdriessen.  
Die Christen wol kumen in ein not/  
Doch werden sie nicht verlassen von Gott.  
Der errettet sie/wenn es nu scheint/  
Das sie nu ganz verloren seind/  
Dargegen die Feind wunderlich  
Stürzet/ehe sie verschehen sich.  
Die gericht hat er in seiner Hand/  
Regieret sie durch alle Land.  
Darumb er sie oft verendern thut/  
Vnd macht das böse widerumb gut.  
Auff das man merck / vnd erfah/  
Wie an jm alles hengt gar.  
Vnd wo die Richter Gottfürchtig sind/  
In sonderheit sich solchs befind.  
Das sie aus manchem irthum gros/  
Durch Gottes schickung werden los.

Der

Der wolle vns auch zu dieser zeit/  
Den stehn durch sein barmherzigkeit.  
Auff das ein gutes Regiment/  
Besche bey vns bis zur Welt end/  
Den weiter wir es dürffen nicht/  
Denn bis Gott zu sich alle gericht.  
Nemen wird / vnd machen ein end/  
Mit allem weltlichen Regiment.  
Hiemit wir vns in ewer gunst  
Befehln / vnd wo jr an der kunst.  
Irgend ein mangel habt gespürt/  
Der vns zu meiden het gebürt.  
So wollet jr vns solches zu gue  
Halten / aus ewerm freundlichen mut'.  
Das wollen wir in sonderheit/  
vmb euch verdiene n alle zeit.

F I N I S.



L. H. Germ.

